

VNICA GENTIS  
AVRELIAE VALERIAE  
SALONITANAE DALMATICAЕ  
NOBILITAS.

AVTHORE IOANNE TOMCO MARNAVITIO BOSNENSI  
Archid. Zagrabienfi, Canonico Zagrabr. Sicensiq;



ROMÆ, Apud Ludouicum Grignandum. MDCXXVIII.

SVPERIORVM PERMISSV.

ARIELIAE VALLEIAE  
SALONITANAE DALMATICAЕ  
NOBILITAS.

AD HONORANDUM VIRIUM MARIANO BOGNERI  
MAGISTRI ACADEMIAE, ET UNIVERSITATIS  
ALMAE MATRIS AUSTRIACAE IMPERIALIS  
UNIVERSITATIS VIENNAE



IN AUSTRIA VIENNA  
MDCCCXXXIII

IVLIO TIT. S. SVSANNÆ  
CARD. SACCHETTO

Legato Apostolico Ferrariæ.

*Ioannes Tomcus Marnauitius, &c. F. sempiternam.*



NNO superiore S. D. N.  
VRBANO VIII. Vale-  
riæ gentis nobilitatem ab  
ipsis religionis nostrę incu-  
nabulis, ad hanc ætatem, in  
Orbe Christiano vnicam,  
imagine expressam, velut in Cythara de-  
cem chordarum, decem ex eadem familia,  
suam cælo terræq; sonantes exprimentesq;  
sanctitatem, martyrio omnes fermè illu-  
stres Heroes, obtuli; cum eiusmodi Cy-  
thara nemini meliùs meo quadraret iudi-  
cio, quam Pontifici, cuius tabernacula  
virtutum eiusdem numeri prorsus, quo  
Valerij, raro diuinæ gloriæ exemplo,  
Cythara resonare sentiuntur. at cum idem  
sanctissimus Urbanus, in urbanum puta-  
ret, sanctorum lumina tam illustria, vni si-  
bi lucere, vt qui purpuratos non habet, nec  
declarat illustriores, quàm Martyres, iam

tum hos eosdem per historiolum à me descriptam, in publicum gentium omnium Theatrum dari precepit. Hinc ne te in nobilissima Imperij Ecclesiastici prouincia, auctoritatem Urbani tuente, penitus inscio, intra penates Valerios, tuæ curæ Senator amplissimæ creditos, pedem videar intulisse, eandem historiolum offerendam, dicendamq; necessariò duxi tibi. quem non minùs sacrarum ædium præfulatu, quam virtutum suarum incremento præclarum, quadrigaq; nobilissimorum germanorum fortunatum; fortunatissima quadriga Valeriorum germanorum iure meritò suum agnoscit. Offero itaq; & mea peculiari inte, tuosq; fratres, de me perpetuò optimè meritos obseruàtia, & obsequio meæ gentis Illyricæ; quæ sua fatali felicitate, vt in Valerijs sacris penatibus te sacrum Senatorem, ita inter Ecclesiæ suæ sanctissimos Pastores, à sexcentis fermè annis Andream familiæ tuæ fydus immortale, Varadiensem veneratur Episcopum. Romæ. Decimo die Kal. April. triumpho immortalis Caij Pontificis illustri. MDCXXVIII.

# AD ANDREAM SACCHETTVM

Ab hinc quingentos annos  
VARADIENSEM EPISCOPVM  
De quinque Fratribus Sacchettis  
Author.



*Præsul Dacicus quem ditioribus ,  
Immanis posito Sarmata Acinace ;  
Atque Arcu Gethico , Danubij accola ,  
Tibisq; vadis Iaziga proximus ,  
Doctorem coluit , legis & aureæ  
Patrem , qui nitide splendor Hetruriae  
Immortale decus florigeni soli  
Fulges . quem Pario marmore nobilem ,  
Bis terni spatij , Ungarus & Dacus ,  
Saeculi , cum populis Illyridis pie ,  
Supplex Gangeticis donat odoribus ;  
Huc vertas oculos sedibus aureis ,  
Praclaris frui hic posteritatibus ,  
Ut post te videas passibus emulis ,  
Prolem florigenam scandere sydera .*

Marcel- *Illum respicias arua per Itali ,  
lum. alpiniq; iugis saxa per ardua  
Cursantem , Rhodano regnaq; proxima ,*

*Vel qua fons Sequana Lilia perluit ,  
 Diues Oceanum vel Ligeris petit :  
 Per salfos latices indè Britanniam  
 Luſtrantem penitus , ne quid in Anglicis  
 Claſum deliteat forte reſſibus .  
 Hinc grefſus iterum Belgica ad aquora  
 Vertentem , Batauus Marte ſuperbiens  
 Qua Rheni retinet ſtagna bicornia ,  
 Vltrà quin etiam rura Menappia  
 Viſentem , Treuiros , ſiue Moguntios ,  
 Et qua Danubius profluit Abnoba ,  
 Et qua Danubio conditur Oenius .  
 Vel qua Theutonicum littus ad ultimum  
 Albis ſe exonerat limite Suenico ,  
 Aut ſeruet Viadrus , Viſtula , Vandali ,  
 Germanam patriam qua regit Auſtria ,  
 Vel Burgundiacos frenat Iberia ,  
 Diuerſis genijs , moribus , urbibus ,  
 Queis viſis , Latia denique Regia  
 Auguſtis vigeat conditionibus ,  
 Summis proſciuus , gratus ut infimis  
 Oſtendatq; pia progenie tua ,  
 Tot Reges fieri , quot genitos dari .*

Mat- Cernas aut alium ſedula pectora  
 theum. Verſantem , maneat cui nihil abditum  
 Viuaci ingenio , ſiue recentior  
 Aetas quid docuit , ſiue vetuſtior  
 Virtus tranſpoſuit poſterioribus .  
 Non illum pelago terret Iberia ,  
 Alpinisq; ſuis Gallia rupibus ,

*Doctis afflueret quo minus artibus,  
Et vera caperet munera gloria,  
Fratrum delictum, Romulidum decus.*

Alexan-  
drum. *Tum Martis studijs foreibus alterum  
Flagrantem, videas ire per exteras  
Gentes, nec gelidis aut aquilonibus,  
Altis vel niuibus astra petentibus,  
Non riuis rubeo sanguine turgidis,  
Stratorum aut tumulis artubus horridis,  
Non vasti pelagi vortice naufrago,  
Largi vel fluminis tramite ab inuio,  
Horrores pauidum relinquere Martios.  
Sensit Danubius brachia fortia  
Lustrorum spatijs, pectora Martia  
Rhenus pertimuit; sensit & incola  
Saltus Hercinij, sensit & horrido  
Arctoo impavidus sydere Cimbrius.  
Neptuno fluido Rugius abditus,  
Gutho Vandalica sorte ferociens,  
Et Saxo. extraneis impenetrabilis  
Telis, Ausonijs sed penetrabilis;  
Destruitq; potens saltibus, artibus,  
Oppressor Dacie, dum iuuenem tuum  
Andreas recreas numine proximo.*

Io. *Quadrigam solida laudis adauget is*  
Francisc. *Distractum assidue quem grauioribus  
Regnantum Imperijs, nulla beat quies.  
Is raro patrijs qui penetralibus  
Germana fruitur nobile copia;  
Is quem barbarico limite Rhetico,*



Quem pridem Ligurum montibus, arbitrum  
Bellorum, tenuit tum reuerentia  
Supremi Solij, tum decus Itale  
Libertatis: amor verus Hetruria,  
Andreasq; tua delicia domus.  
Et qui nunc solita sollicitudine  
Bellona strepitu dum genus Italum  
Commotum quatitur, turbine ab extero;  
Regnantium Domini munia sustinens,  
Pacis conciliat fœdera perpetis.

Iulium. Vel hunc quem Pietas Sydereo sinu  
Exceptum tenuit matris ab ubere,  
Ornavitq; eadem pectore candido,  
Cui dotes animi donaq; corporis.  
Finxit Diua eadem, Sydere dextero,  
Gratus Principibus, celsus honoribus,  
Sic carus populis, quisquis Iulium,  
Vt primum videat, dicat is illicet:  
Vel membris Pietas fulget Iulij,  
Vel dicat: Pietas est Dea Iulius.  
Hic quod Romulei patris in omnibus  
Rarus conspicitur nutibus, actibus,  
Hic quod Sydonio murice cingitur,  
Quod gentes placidè temperet Italas,  
Tranquilla moderans iura modestia,  
Astræamq; trahens denuo ab æthere,  
Profundensq; sua perdat inopiam,  
Sacchetti genium perpetuo exprimens  
Est virtutis opus, sanguinis inclyti,  
Commune & reliquis fratribus optimis,



Quadrigæ, Pietas quam sibi construit.  
 At sacris Laribus forte Valerijs  
 Quod sacro pariter nomine præsides,  
 Est sors atherci est illius ominis  
 Quod pridem Illyricis te solijs iulij,  
 Andreæ Daciæ constituens patrem.  
 Hæc illum Illyrico preposuit lari  
 Sacro, Dalmatica perpete gloria,  
 Ornās tu veluti Illyricam plagam  
 Diuis Imperijs, diuus & insulis  
 Ornat sic pariter sacra Valeria  
 Aurata Illyrio nomine & omine,  
 Auratis titulis moribus aureis,  
 Diuis Imperijs, diuus ut insulis.  
 Hinc quem præsidium tecta Valeria  
 Noscunt, nobilia hunc gesta Valeria  
 Posthæc præsidium dulce decus suum  
 Noscant: æthereis annue sedibus,  
 Floræ flos niueum flos Daciæ unicum,  
 Nunquam flos generis deciduum tui.




VNICA GENTIS  
AVRELIAE VALERIAE  
SALONITANAE DALMATICAЕ  
NOBILITAS.

AD IO. TOMCVM MARNAVITIVM

O D E

FRANCISCI SACCI RHEGYNI.

Strophe I.

 *VA Liburnorum iuga, qua Timaum  
Spectas, mari dum bella tauriformis  
Sapè undosa mouens arietat, & ferox  
Tergeminas hiemes minatus  
Sorbet hiatu:  
Felix Illyris huc age,  
Dignam triumpho summe superbiam,  
Indue mox flexura iugales  
Aurigantes in frana manus,  
Veteresq; linque laudes  
Fastu repubescens nouo,  
Recocta, at absque Colchicis venenis,  
Seculisq; onusta mille, hic verè sacro cinge tempora.*

## Antistrophe I.

*Huc & aternos meditata plausus  
Thura adde, sed succisa non Sabais  
Siluis, rorisfrei thura sed ætheris  
Flamminiomi mage colliquanda  
Pectoris igne.  
Cultrix obsequiosior  
Gentis triumphos cerne VALERIAE  
Pectora sed voto icta fidei;  
Nam sacra cernis gaudia gentis:  
Polus undè per triumphos  
Novo beatur lumine,  
Novoq; rursus omine Imperantum  
Perq; fastus, perq; plausus dat choreas mille syderum.*

## Epodon I.

*Bellorum exuvias tulit  
Sat Romana tue dextra propaginis,  
Nomenq; magni compar trophæi,  
Extulitq; signa victrix,  
Cum rebellis Ingeni  
Calcavit hostes, bella de bellis ferens.  
At hinc abeste iniqua bella. Numinis  
CAIVS, minister en adest, Pacis ut omen alac  
Vitatum ille operatur ad aram:  
Ingere nunc thura ut vigilent altaria flammis.*

## Strophe II.

*Arbiter belli piger obsoleta*  
*Nunc arma Maioris exuat, sacraque*  
*Legis iura fluant, & Fidei comes*  
*Religio legat otiosis*  
*Lilia campis.*  
*Aras indè opulentior*  
*Centum nitentes ditet odoreis,*  
*Ut modo Celi interpret amici*  
*CAIVS per flores petat aras,*  
*Mage victor ut triumphet*  
*Currus sit ara celsior,*  
*Cruore Crux amicta sit trophaum,*  
*Sint flagella dura fasces, nobilisq; Christus Hostia.*

## Antistrophe II.

*Ille stipatus iuvenum corona,*  
*Quæis per sæuera tela Barbarorum*  
*Gens hac alta Polo iam caput induit,*  
*Tergemino redimittus auro*  
*Plaudat ad aras.*  
*Sed cur? non imitabilis*  
*Mutescit ergo gloria plausibus?*  
*Victoris sat cerno triumphum,*  
*Sed nulla sonos exprimit aura,*  
*Tuba nulla temperatos*  
*Edet sonora spiritus?*  
*Canora reddat ergo penna plausus,*  
*Munus hoc tui laboris, plaude in Iannes obsequens.*

Epodon II.

*An* quid iuuat imprimi  
Gentis sydereæ Dalmaticum genus,  
Cui Regna frontem, cuiserta dextram  
Impedire gloriantur?  
Muta si umbra postmodum  
Sine corde nomen hostis, atq; hinc gloria  
Superba prole Principum silet sua.  
Non ista Tomce gloria est, maius at urget opus,  
Scribe, tuoque perennius ære  
Exige, & aterni monumentum inscribe triumpho.

Strophe III.

Non lutum solers aliter Prometheus  
Artus secutus artubus refinxit,  
At mox triste ruens immemorabilis  
Constiterat sine mente moles:  
Ille sed ignes  
Emensus uaga sydera  
Subducit audax æthera domo,  
Et flammis simulacra beatis,  
Animat muta, ac suscitât intra  
Animata corda mentem.  
Quidni æra vitam nunc trahant?  
Face at sonantis eloqui: laborem  
Aemulare sic Promethei, æri auspicare Tomce spiritum.

### Antistrophe III.

Nempè, quæ muto tibi vulnerando  
Aera hic figurat artifex labore  
Tu docto meliùs lumine Vocibus  
Dulciloquis animabis æra.  
Quid simulacra  
VRBANO dare? quid iuvant  
Hæc muta doctum munera Principem?  
Hic facunda munera lingua  
Amat, & viuax quæ labor animat:  
Nova nam reposcit ætas  
Opus erudita viuudum,  
Petitq; Roma comparem Triumphum,  
Eloquentiæ Gemella, nobilisq; Vindex otij.

### Epodon III.

Cernis? namq; operosior  
Mellis syderei nunc APIS obstetrix  
Rorata calo iam dona fundit,  
Deq; rore, deq; flore  
Iam laboris auream  
Instillat ori dulce mercedem tuo.  
Honoribus vocata nam VALERIIS  
Dives beatis floribus iam sua mella liquat,  
Ingenijq; aluearia complet,  
Vt cibus Heroum duram tibi recreet artem.

VALENTINI PASCHALII  
V. T. I. N. E. N. S. I. S  
ad Eundem.

**I**RVIS in lucem patriæ monumenta, malignis,  
E tenebris, per te sydera clara micant.  
Inclita gens per te sic Tomce Valeria gessit,  
Sic tua sic credas Illyris est hilaris.

ANTONIUS RANTIVS  
IADRENSIS  
E Societate IESV  
ad Eundem.

**D**ISCE nouum pugnae genus, ut qui vincitur hostis  
Vincat, & occidens occidat, actus agat.  
Quos dedit in cryptas, & in abdita limina terra  
Roma vetus, tulit hos in iuga, Roma recens.  
Martyr ut occubuit, gens aurea sanguine surgit,  
Victaq; sub pedibus gens inimica fremit.  
Scilicet est fidei vis tanta, quod ardua regum  
Vi procul, atque armis colla subacta præmit.  
Dum furit horrendum Iouius per ouilia Christi  
Sauit & in propriam seuæ Leana domum.  
Ecce Ducem gregis hinc Caium, cognataq; cali  
Germina, cognatum sub pede habere Iouem.  
Illyrica his tantis se tellus iacetat alumni,  
Magnanimorum Heroum Illyris usque parens.  
Quæ tu dum tenebris in luminis elicis oras,  
Illyricæ patriæ Diua trophæa locas.



# NICOLAI CALISSIENSIS

MONACHI S. BASILII

Illustrissimi, & Reuerendissimi  
Metropolitæ Ruthenorum vnitorum,  
Romæ Procuratoris  
ad Eundem.

**G**LORIA Sampsonis longum celebratur in æuum,  
Dulcia quod Strato mella Leone tulit.  
Dignius ac multo nunquam tua fama senescet,  
Magno Marnau nate bono patria.  
Strata leuas atenim Heroum dum gesta tuorum  
Grata poloq; solo, mella sacrata refers.



VNICA GENTIS  
AVRELIAE VALERIAE  
SALONITANAE DALMATICAЕ  
NOBILITAS.

AVTHORE IOANNE TOMCO MARNAVITIO EDITA.



VLTA sunt, quæ generis Illyrici præstantem in armis, & toga virtutem omni æuo commendant, sed nihil mihi videtur admirabilius, augustissima gente Valeria; quippè quæ non in luce modò atque oculis hominum, magna Romano quondam florens Imperio, generis humani principatum in terris obtinuit; sed plurima etiam apud Deum auctoritate pollens, & gratia, qua Vaticanæ maiestatis insignibus infulata, qua purpurata martyrij laureis, qua Virginitatis aureolis candidata, heroicis honores Christianæ virtutis apud mortales adepta, pulcherrimè stetit in Concilio Immortalium.

Quod enim ab ipsis Ecclesiæ nascentis incunabulis nulli hætenus familiæ contigisse legimus, vna in domo, vno, eodemq; tempore (præter Diocletianum Imperatorem, mox & Imperij inaudito exemplo contemptorem, licèt à Christiana pietate alienum) Serena Diocletiani vxor Augusta Christianæ virtutis Heroïna sanctissima, eiusq; filia Arthemïa in summa tenacitate pudoris, & avaritia gloriæ, prodiga sanguinis, tum fratres

## A. VALERIA

Imperatoris quatuor, Claudius & Maximus, militiae terrenae caelestisq; Duces egregij, Gabinius Principis Ecclesiae Presbyter, & Scriptor eruditissimus post natam ipsi Susannam, quae sanguine in causa virginitatis effuso, Augustalis thalami faces extinxit; Denique Caius Vaticanus Sacerdotij Princeps, rerum humanarum, ac diuinarum arbiter, floruerunt. Accessit & Praepedigna Claudij coniux, filijq; eius Alexander, & Cuthia, qui vita pro Christo defuncti, ipso iuuenili flore, de morte gloriosissime triumpharunt. In hanc ego domum dum mentis oculos intendo, videre mihi videor caeleste quoddam signum multis syderibus insignitum, siue potius Galaxiam ipsam, non exiguis illis, sed primariae magnitudinis stellis fulgentem. Quod etiam mihi gratulor, in causa esse, ut Christianam familiae huius nobilitatem litteris mandaturus, tenuitatem in dicendo meam, praestantia argumenti compensem, neque indignum luminibus Oratorijs, ut mortalem lucem inferam in clarissimos soles. Vnum igitur id curabo posthac, ut antelata eloquentiae, pietate, in tanta obliuione temporum, summa fide, ex antiquissimis historiarum monumentis, eruam veritatem.

Gens Valeria inter Dalmatas, antiquissimis praestat imaginibus, in ea namq; ante Diocletianum, Aurelium Valerium Probum Dalmatio sanguine, teste Sexto Aurelio Victore, Sirmij progenitum, Romanorum Principum fortissimum, Romanis aequè ac externis maximis quibusq; Ducibus, non conferendum solum, sed Flauij Vopisci testimonio, praefendum, terrarum Orbis, incredibilis celeritatis victorijs Tyrannorum grauissimo iugo

subtractus, priscaq; libertati, ac splendori restitutus, perpetuò admiratur. Eluxam illius gloriam immortalitatis incremento longè adauxit inuictissimus Christi Athleta Hadrianus eius filius, quippè qui Romana sceptrà Christianæ humilitati ducens inferiora, studio illius maluit proprij cruoris paludamento, quam paternis insigniri purpureis ornamentis; eius triùphalis dies, septimo Kalendarù Septembris Ecclesiasticis tabulis habetur insignis, dignitas nulli Augustali familiæ, ad hanc vsque diem familiaris. cui si Nicephori testimonio, in Chronico ' Domitium, seu Dometium Probi fratrem, huiusq; filium, ac paternarù virtutum hæredè Probum, & Metrophanem sanctissimos Byzantinæ sedis Pastores subindè suffectos addiderimus, Quadrigam Aminadab palma perennitatis eximiam, in Valeria indole facilè erit agnoscere, verùm enim verò cum certa minùs habeatur affinitas, qua Probi Principis domus, cum Caij Diocletiani; familia iungeretur, illa prætermissa, huiusce seriem euoluemus.

Vt itaq; Marcus Marulus vir Salonitanæ stirpis, antè centum annos, pietate æquè ac eruditione præstantissimus, ex notis sepulchralium epygrammatum, inter Urbis Salonitanæ rudera extantium, ab eomet excerptorum refert; Auus Caij Pontificis, Diocletiani; Principis, fuit Caius Aurelius Valerius. cuius epygramma sequentibus se notis excepisse ex ipsa posthuma marmorea nota testatur.

C. AVRELIO VALERIO SALONITANO  
VALERIVS ET CAIVS  
PATRI OPT. PP.

Caio Aurelio Valerio, itaq; fuerunt filij Valerius & Caius; ille Valerium Aurelium Dioclem, qui ad Imperium assumptus Diocletianus indè dictus est, Romanum Principem; posterior Caium, Gabinium, Claudium, Maximumq; progenuit. quicquid habeant quidam ex antiquioribus Scriptoribus, vel Valeriæ domui fortasse minus æqui, vel huius generis minus periti. grauissimo enim Maruli testimonio, nobilissimæ antiquitati innixo, accedit authoritas Anastasij Bibliothecarij, Luitprandi Ticinen, Albonis Floriacen. & aliorum, qui Caij Pontificis patrem Caium agnoscunt, sicuti & Diocletiani Valerium. Eos Romam<sup>3</sup> Salonis migrasse verosimile est, imperante Claudio, qui primus ex Dalmatis rem Romanam administravit; ibiq; Diocletianum, prout ea tempora virtute Illyricanorum Ducum, militemq; sub Romanis Aquilis memoranda poscebant, militaribus studijs, sicuti & Claudium & Maximum patrueles, Caium verò ac Gabinium, vnius Christi Domini stipendia suscepisse. Valerios Romæ liberaliter vitam duxisse, argumento sunt domus satis amplæ, tum Caij, tum fratris, eius Gabinij, in sexta regione, apud Vicum Mamuri, vel Manurij ante Salustij forum sitæ, prout in actis S. Susannæ habetur. quibus quamuis in Ecclesias ab eodem Caio Pontifice conuersis, Christianoq; ritu Deo sacratis, Diocletianus tamen, vel potius; qui eius nomine Collega Maximianus amplissimas terrarum Orbis Thermas occupatis omnibus circumquaq; tam publicis, quàm priuatis ædibus, extruxit, Christiano nomini alioquì satis infensus, ad illas vsquè insanis extruccionibus deductis, ita perpercit, vt publico ædificio non tantum incluse, nobilissimi

tituli, & stationis Ecclesiasticæ. Ad duas domos, nomen multis sæculis tenuerint; ut ex antiquis Urbanis Ecclesiasticis tabulis est videre. hinc etiam conijcio Diocletiani priuatas eedes eodem loci extitisse, cuius nominis ad consequentes ætates illustrandi gratia, de eo optimè meritus Maximianus (haud absimile vero est) in admirandum Thermarum opus cum æternitate inter mortales certaturum, maxima parte Viminalis collis occupata, eisdem commutauit; ut ubi Diocletiani priuati hominis steterent penetralia, Principis Thermæ viserentur appellarenturque. accedit huic coniecturæ probabilitas, quæ ut exactis S. Marcelli Papæ habemus, idem Diocletianus Cyriaco Diacono obi Arthemiam, filiam malo Demone liberatam, ut videbimus, propè easdem Thermas constitutam domum donauit. Incidit Imperium Claudij in annum Virginei partus, ex supputatione Baroniana, sexagesimum nonum supra ducentessimum, quæ tempestate, ut ex actis S. Laurentij facillè intelligitur, status rerum Christianarum, longa pace inualuerat, præsidente Romano throno Dionysio, viro virtutis Apostolicæ, egregiam operam publicæ rei Christianæ, nauante Iustino Presbytero. Quod si Caius per hæc tempora, Romam cum Gabinio fratre se contulit, proculdubio potuit interesse spectator agonis fortissimi, illustrissimæ Christi Martyris Cyrillæ filiæ Decij Imperatoris, quæ immortalis gloria gentis Illyricæ, & primitiæ generis Augustalis, multò feliciori sine pro Christi sempiterno regno, quam Decius pater, cum Decio filio, pro caduco Romano Imperio, sese deuouit; cuius admiranda virtute, Caium cum fratre, vel maiores animos in fidei constantia sumpsisse credibile est, si tamen mili-



tiaz Christi nomen iam dederant, cum incertum sit, quo  
 tempore & quo loci Christum induerint, vel fortè ei-  
 usmodi exemplo voluisse adscribi; eosq; disciplina Dio-  
 nysij Pontificis, Iustiniq; industria in primis profecisse.  
 Dionysio post ferè duodecimū Sacerdotij sanguine fuso,  
 depositi annum, sufficitur Felix nomine non minùs  
 quam re, huius enim primi ex Romanis Pontificibus  
 primatum, & in Orbe Christiano summam authorita-  
 tem, Imperatores ethnici licet, Romanò scripto agno-  
 uerūt. Aurelianus etenim, qui post Claudium, & quin-  
 tillum fratres Dalmatas, Romanis sceptris est admotus,  
 Illyrii generis itidem, Princeps ab omnibus iusti te-  
 nacissimus laudatus, cum Paulus Episcopus Antiothe-  
 nus ob hæresim depositus, domum Ecclesiæ adeptam  
 restituere renueret, re ad Imperatorem delata, Eusebio  
 teste, ei adiudicari censuit Imperator, cui Christiani Ita-  
 liæ, & Urbis Romæ Episcopi tribuendam præscriberent:  
 Triennio in Pontificatu exacto, Felix Eurychiano locū,  
 sacro suo cruore nobilem reliquit. quo Præsule Aurelia-  
 nus post Tacitum & Florianum fratres nec annuos  
 Principes, Probum Valeriæ gentis sydus eximium, sep-  
 tuagesimo nono secūdi Christiani sæculi anno successorē  
 accepit. eius fratrem Domitiū Domitijq; filios Probū, ac  
 Metrophanem, cum agnatis suis Caio Gabinioq; æmula-  
 tione Christianæ pietatis certasse, non est absurdum cre-  
 dere, & sub Imperio probatissimi Principis, ad eius  
 perfectam probitatem, æternitatis lavacrum tantum-  
 modò defuisse extra dubium est, quo fulgore illi Orien-  
 talem plagam, ij Occidentalem, & omnes vna vniuersum  
 terrarum Orbem essent paulò post illustraturi, seriò agi-



casse, virtus eorum eximia credere persuadet. Sublato Probo & succedente Caro Narbonensi Dalmata, vndecimo Illyricani generis Principe, nec multo post Eutychiano prædecessorum vestigijs appetente calum, Apostolici solij maiestas, Calum excepit, instauratæ felicitatis anno octuagesimo quarto supra ducentesium. Dalmatici Principis Imperium summo Dalmatici viri Sacerdotio à Deo illustratum fuisse, ex eo sanior pietas existimat, quod æquitati non minus, quam pietati carissimus Principes quibus potuit Christianos beneficijs est prosequutus, extat inter cætera beneficentiæ eius erga eosdem argumenta, singulare illud, quod Thessalonicensi Ecclesiæ huiusmodi indulsit rescripto.

### IMP. CARVS PRÆSIDORO PRÆF. PRÆT.

**S**Acrosancta Thessalonicensis Ecclesia apertè sciat, propriæ tantummodo capitationis modum, beneficio nostri numinis subleuandum, nec extraneorum grauamine tributorum, republicam Ecclesiastici nominis abusione ledendam, ita ille, quem longiori vita dignum commodo Reipublicæ Christianæ, non integer annus Regem agnouit, quo dum Persas debellat è viujs abeunte, Numerianus filius, præstantissimus suorum temporum Orator & Poëta, vt aurea illi statua à Senatu dicata apud Vopiscum testatur, Regni initijs vix gustatis, Apri socii perfidia extinguitur, succedentibus Carino fratre, quem Galliarum moderatorem, Persas petens pater reliquerat, hæreditario iure, prouincialiumq; fauore arripente Imperium; & Valerio Diocletiano Numerianæ

necis ultore, ab Exercitu Imperatore acclamato, Senatu  
 mox approbante, ut quod nulla temporum varietas un-  
 quam vidit, terrarum Orbis sacram politicamq; maiesta-  
 tem, vnius anni spatio, intra eiusdem gentis familiam,  
 coiuisse sit admiratus. & sanè præclare cum re Christia-  
 na actum fuisset, summum sacrorum Præsidentem Augusti  
 patrualem sortiri, nisi beneficentissima Cari memo-  
 ria Christianos ad partem Carini amplectendas impulisset.  
 hoc enim in causa fuit, ut Diocletianus alioquin, &  
 magni animi, & æquitatis amantissimus Princeps contra  
 eiusdem religionis professores, & tanquam contra  
 gentem legibus Romanis ab eius exordio proscriptam, &  
 ab optimo quoq; Romanorum Principum miris cladibus  
 exagitata, quòd etià pessimo Tyrannorum adherentes  
 sibi legitimo Principi arma intulissent, aliquando exar-  
 serit; ut perspicuum esse potest ex actis S. Sebastiani, qui-  
 bus constat Carinum multos habuisse in amicitia quos  
 confessionis Christianæ titulus decorabat. perniciosum  
 sæpè generis humani infortunium, suspitione diffiden-  
 tiæ Regum iras excitasse; quos enim semel huiusmodi  
 procella, vel leuiter afflauerit, nulla temporum diuturni-  
 tate, nullo officiorum obsequio ferociores dominantum  
 animos mitigare, irreparabili innocentiae damno, iugis  
 ætatum omnium docet experientia. Namq; Diocletia-  
 nus ubi post multa prælia cum Carino commissa, ad  
 Murgum deniq; Pannoniæ ipso Illyrici meditullio eun-  
 dem profligatum extinxit, & si propositis edictis, & lege  
 lata, maiorum exemplo in Christianos insurrexit nequa-  
 quam, quominus tamen gentilium Sacerdotum insecta-  
 tione Christiani non vexarentur, minimè inhibuit, sed

ijisdem furentibus aliquando etiam annuit, aures nimium credulas eorum delationibus accommodando, ut idem Sebastianus dum ad martyrij palmam properaret prætereunti Principi obiecit. ~~etiam~~ cum toto eo tempore quo bellum inter Principes triennale fermè perdurauit, fideles summa tranquillitate Cari benignitate aucta sunt potiti; Caio rem summo conatu promouente, viro magnæ prudentiæ pietatisq; eximæ. ut acta nuper laudata testantur. ut non mirari nequeam eos, qui Numeriano cladem martyribus sæcundissimam adscribere sunt ausi.

Post Murgensem itaq; victoriam Diocletianus æmulo sublato, anno Imperij tertio, Christiani secundi sæculi sexto suprà octuagesimum, Maximianum Marcum Valeriū prænominatum, quem author Panegyrici eidem Maximo dicti, sicuti & aliquorum martyrum acta, fratrem appellant, adoptione consortioq; Regni magis, quam affinitate sãguinis, tertiumdecimum ex Illyricis, in partem Imperij adsciuit, hostibusq; Christiani nominis connuendo, multa sæuius in Christianos actitata, vel Reipublicæ quassatæ in priorem statum restituendæ intentus ignorauit, vel à Christianis Carino addictis offensus dissimulauit omninò. quæ sæuities ipsam religionis arcem Romanam Ecclesiam in primis inuasit, vbi Gentilium immanitas eo improbitatis processit, ut ad auertendos vitæ necessitate fideles à pietate, nemini quicquam, vel vendere, vel emere liceret, nisi priùs prostantibus in foro rerum venalium Deorum statuis, emprores thura incendissent; ad insulas quoque, vicos, & aquas, complures assistebant satellites, qui neque moliendi neque aquas hau-

riendi alicui facultatem permittebant, qui prius Idolis non libasset. hisce calamitatibus adactus Caius Pontifex, consilio suorum adhibito, cum ineuitabilis mali periculum evidentissimum esse cognosceret, in eam venit sententiam, ut acta S. Sebastiani habent quorum verbis quantum licuerit, ut plurimum vsuri sumus, nimirum ut Chromatius, qui Prætoris illustrissimo clarus officio, nuper Christo se adiunxerat, omnes illos qui recenter religioni se se addixerant, ne nouellæ plantæ ob vitæ necessaria, mortis æternæ subirent pericula, tanquam imbecilliores eius victu alendos in propriam domum reciperet, verum enim verò cum summi in Vrbe viri ad Christianos accessio difficulter celari posse videretur, Caij consilio obtinuit ille à Principibus facultatem scripto expressam sacri rescripti nomine, cum aliter Urbano Prætori minimè abesse liceret ab Vrbe, ad littora Campaniæ in quibus amplissima prædia possidebat, secedendi medelæ gratia, quo Christianos omnes euitandi periculi causa, qui vellent secum abduxit. ex quibus cum inter præstantissimos tunc temporis, Policarpum nempe, & Sebastianum exoriretur contentio, quisnam Chromatiani secessus, & fidelium cum illo in Campaniam abeuntium comes esset iturus, vel in Vrbe penès Pontificem martyrij assequendi cupidine remansurus, palmam æternitatis utroque ambiente, dirimitur pia contentio autoritate Caij ira illos alloquentis: Dum ambo passionis coronam expetitis, populum Domini solatio destitutus, vnde mihi videretur, ut tu Policarpe, ut Sacerdotij rectum tramitem tenes, & scientiæ Dei repletus es donis proficiscaris simul ad confortandas recentes credentium mentes, & animos

dubios confirmandos. quibus auditis promptissimum sese ad imperata exequenda pius Sacerdos exhibuit. ut verò dies Dominicus affuit Caius domum Chromatij adiit, ibiq; pro tempestatis illius consuetudine, publicis nimirum nondum Ecclesijs exedificatis, oblato incruentico sacrificio, Christianis adstantibus, eiusmodi sermonem habuit: Dominus noster Iesus Christus præcius fragilitatis humanæ duos credentium in se gradus constituit, confessionis scilicet, & sanguinis pro fide effusionis, quæ martyrium appellatur, ut qui martyrij pondus se non posse ferre videretur, confessionis gratiam teneat, & concedentes laudem bellaturis Christi militibus, & pro eius nomine pugnaturis, illorum sollicitè curam gerant. pergant itaq; qui volunt vnà cum filiis nostris Chromatio & Tiburtio, & mecum in hac Vrbe qui voluerint remaneant, non enim nos terrarum spatia diuidunt, quos Christi gratia necit, neque absentiam vestram sentiunt oculi nostri, quia interioris hominis vos intuemur aspectu. hæc & similia dicente Caio Pontifice, exclamauit Tiburtius (filius hic erat Chromatij nuper cum patre factus Christianus) voce magna dicens: Obsecro te Pater, & Episcoporum Episcopo, ne me patiaris terga persequentibus dare, mihi enim valdè iocundum est & optabile, pro Deo verò, millies si possim occidi, tantum ut illius vitæ dignitatem apprehendam quam nullus mihi successor eripiat, & cui nulla tempora finem imponant. tunc Sanctus Caius congaudens fidei eius, lachrymas fundebat, orabatq; ut omnes, qui cum eo remansissent certaminis victores redirent, triumphum martyrij assequuturi. remanserunt itaq; cum Caio Pontifice Marcellinus &

Marcus, & pater eorum vir Clarissimus Tranquillinus, itemq; Beatus Sebastianus, & iuuenis corpore pulcherri-  
mus, sed pulchrior mente Sanctus Tiburtius, tum quoq;  
Nicostratus, à publicarum tabularum custodia Protoscri-  
narius appellatus, cum fratre suo Castorio, & coniuge  
Zoe, & Claudius etiam cum fratre suo Victorino, & filio  
Symphoriano, qui fuerat ab hydropisis morbo liberatus.  
hi soli reliquis omnibus cum Chromatio proficiscētibus,  
in Vrbe cum Caio Pontifice remanserunt, qui Marcum  
& Marcellinum Diaconij honore sanctificauit, Tran-  
quillinum verò patrem eorum dixit Presbyterum,  
& Beatum Sebastianum, qui ad multorum profectum,  
sub specie militiae latebat, sacro honore priscis tempori-  
bus, inter Ecclesiasticos eximio, Ecclesiae defensorem  
constituit, ceteros verò Subdiaconos pronunciauit. At  
cum prae solertia ministrorum impietatis omnia saga-  
cissimè indagantium, Christianis nullus locus tutus inue-  
niretur, ad latebras fuit confugiendum; morabantur  
itaq; omnes apud Castulum quemdam, qui ex officio  
quodam Palatinali Zetarius Palatij dicebatur, hic cum  
altissimum eius locum vnà cum familia Christū amplexa  
incoleret, cumq; nulla susceptae nouae religionis suspi-  
cione laboraret, ea sedes ei recipiendis Christianis aptis-  
sima visa est. hic ergò cum Caio Papa morabantur om-  
nes, & die noctuq; gemitibus, fletibus, ieiunijs, & ora-  
tionibus occupati, orabant Dominum, vt digni haberen-  
tur tolerantia confessionis eius, & in numerum Sanctorū  
Martyrum admitti mererentur. ascendebant autem ad  
eos occultè religiosi viri & feminae, quippè qui à Sanctis  
diuersas sanitatis gratias impetrarent. nam & cecorum

oculi



oculi illuminabantur eorum precibus, & salus reddebatur ægrotis, & de obsessis corporibus, Dæmones pellebantur.

Interea dum hæc ab eis agerentur, cum Tiburtius recitata Oratione Dominica, Apostolicoq; Symbolo super quodam, qui lapsus ab alto ædium caput membraque quassauerat, sanitati eū restituisset, Christianisq; disciplinis imbuisset, eum cum eiusdē parentibus, perduxit ad Caiū Pontificem dicens: Venerabilis Papa, ac Diuinæ Legis Antistes, ecce quos per me hodiē Christus lucratus est, in quibus fides mea velut arbuscula nouella, primum prorupit in fructum: tunc Sanctus Caius eos baptizauit gratias Deo referentes. hætenus ex actis S. Sebastiani, quæ paucis immutatis, eodem sensu, verbisq; quantò magis potui, iisdem expressi. Cum ergo ethnici Pontifices Caii studio viderent res Christianorum in dies augeri, nec contra eum tanquam Diocletiano arctissima affinitate iunctum quicquam mouere auderent, Sebastiano quem post Caium Christianorum potissimum præsidium esse cognoscebant, euertendo, perdendoq; vires omnes intendunt, vt ergo ipsum Principibus acceptissimum, & ad primos militiæ gradus iam pridem promotum, redderent odiosum, calumniam struunt, eundem in Imperatorum & Imperij perniciem res novas moliri; quod Diocletiano mirum licet, credibile tamen visum ex eo, quod aliquos ex Christianis Carinianam factionem sequentes hostes fuerat expertus. hoc enim ex ipsius Sebastiani morituri verbis ad Imperatores facili est colligere, dum credulitatem, non verò crudelitatem prout quidam publicis tabulis asserunt, Principum accusando, ita eos allo-

quitur:



quitur : Vos quidem peruersis Pontificum vestrorum  
persuasionibus imbuti, prauam de Christianis opinio-  
nem fouetis, quasi illi cladem ingentem huic vestro Im-  
perio inferant, & scelere suo tranquillum Reipublicæ sta-  
tum perturbent. ita eiusdem acta. hinc mirum minimè  
Caium Pontificem carnificinè eorum martyrum, qui eo-  
dem tempore cum Sebastiano sunt coronati, fuisse sub-  
tractum, ac diutiùs indè in oculis Principū superuixisse.  
Diocletianus enim Christianos eiusmodi suspicione ca-  
rentes, non solùm liberè agere permisit, sed ad maximos  
honores euexit, Prouinciarum præfecturas commisit, Ec-  
clesias extrui ampliariq; summa benignitate permisit. vt  
ex Eusebio, qui omnium aliorum Scriptorum Diocletia-  
no fuit infensissimus, Libri 8. Capite 1. Histor. est vide-  
re. eius verba hæc sunt: Quantum splendoris doctrina  
veræ pietatis in Deum rerum omnium gubernatorem  
mundo per Christum patefacta, apud omnes homines  
Græcos simul & Barbaros antè istam persecutionis tem-  
pestatem, quæ nostra ingruit memoria, obtinuerit; &  
quam liberè inter eos prædicata fuerit, maius quiddam  
est, quàm quod nos nostra in dicendo tenuitate, satis pro  
dignitate explicare possimus. cuius rei argumento esse  
poterit singularis Imperatorum humanitas, qua nostros  
tam benignè exceperunt; quibus quidem tùm Prouin-  
ciarum præfecturas, gratuito impertierunt, tùm propter  
incredibilem beneuolentiam, quam ergà nostrā religio-  
nis professionem habebant, omni afflictatione & mole-  
stia, quam pro Dei amore homines Christiani solent per-  
peti, eos penitus liberarunt.

Quid de his attinet dicere, qui sunt in Imperatorum

Palatio magnam dignitatem adepti, deq; ipsis Imperatoribus, qui domesticis suis pro sermone diuino propagando, & pia vitæ ratione degenda, ipsi velut inspectantes, copiam fecerunt, liberè & ingenuè dicendi; atque adeò suis ipsorum vxoribus, liberis & seruis, quasi palàm de mira fidei libertate, & gloriandi, exultandi; potestatem permiserunt? quos certè chariores habuerunt, & magis eximiè dilectos, quam reliquam seruatorum turbam: vt Dorotheum illum, qui præter ceteros erga illos, & beneuolentiam summam ostendit, & fidem non minorem; ac propterea præ alijs, qui magistratus & præfecturas in Imperio gerebant, amplissimum honoris gradum adeptus est: vt Gorgonium qui non dissimili fama, & celebritate ennituit; vt alios non paucos, qui propter Dei verbum sunt parem cum illis dignitatem consequuti. Aut quid memorem qua humanitate cultu, & beneuolentia, non illa quidem vulgari, & contemnenda prouintiarum Præfecti & Rectores, Ecclesiarum Præsides & Episcopos, vt manifesto cernere licebat, complexati fuerint? aut quomodo quisquam conuentus illos infinita hominum turba frequentatos, multitudines in singulis Ciuitatibus coactas, illustres hominum in templis concursus, poterit Oratione explicare? vnde cum in antiquis illis ædificijs non satis loci haberent, ampliores Ecclesias in vniuersis Urbibus fundamentis earum ad maiorem laxitatem dilatatis, erexerunt. & quamdiù diuina & cælestis Dei manus populum suum, vtpotè auxilium eius promerentem obtexit, suoq; muniuit præsidio, tamdiù neque vlla hominum inuidia, quominus istæ res vnà cum tempore in dies maiores progressiones facerent, incremento & ma-

gnitudine aufererent, omninò potuit obfistere; neque  
 vefanus ille & perditus Dæmon vel suo ipfius conatu eos  
 in inuidiam rapere, vel hominum infidijs, vlla ex parte  
 impedire. hæc Eusebius testis ( vt aiunt ) oculatus. qui-  
 bus conuenientia, fed multò maiora ad declarandam Dio-  
 cletiani erga Christianos aliquando manfuetudinem, &  
 beneuolentiam exequitur Nicephorus Calixtus Capite  
 Secūdo Libri Septimi Ecclesiasticæ suæ Historiæ. Huius  
 humanitatis Diocletianæ in Christianos, crediderim post  
 mortem Sebastiani authorem Caium ipsum extitisse, qui  
 consobrini animum alioquò omnibus maximo Principe  
 dotibus dignis spectatissimum, libertate quam sibi arctif-  
 simæ affinitatis vinculū permittebat, facilè potuit æquū  
 Christianis effecisse, purgatis ijſce calumnijs quibus im-  
 pia gētiliciæ superstitionis Antistitum officia puritatem  
 sacrosanctæ legis turbare perdereq; conabantur; Serenam  
 quoque Augustam marito sciente nec contradicente,  
 professionis Christiana fēminam Caij diligentia ac pie-  
 tatis sociam apud Diocletianum suæ religionis homini-  
 bus profuisse credibile est. etenim ab obitu Sebastiani,  
 qui contigit anno Domini 288. vsque ad vltimum annū  
 Sedis vitæq; Caij Pontificis, integro octo annorum spatio,  
 exceptis Valeriæ gentis confessoribus, vix mirū dictū,  
 tres martyres, eosq; simul & vna die Tharsi in Cilicia  
 sub Maximo Præsīde cruciatos, apud Annales Ecclesiasti-  
 cos est inuenire. minimè tamen dubitarim maiore par-  
 tem eorū, quæ ab Eusebio & Nicephoro referūtur à Dio-  
 cletiano Christianis indulta, etiā aucta post Caij mortem,  
 ab eo tēpore præsertim, quo vt dicturi sumus, Arthemīa  
 eius filia, per Cyriacum Diaconū dæmoninis vexatione

liberata, mentis & corporis sanitatem est assequuta. Hac temporum tranquillitate benè vsus Caius, inclytos Ecclesiasticorum sacrorum graduum ordines, summa pietate ab Ecclesia receptos, & perpetuò ab eo tempore seruatos, discreuit atque digessit; vt videlicet quemadmodum ait Anastasius, si quis Episcopus fieri mereretur, esset prius Ostiarius, successiuè Lector, Exorcista, Acolitus, Subdiaconus, Diaconus, Presbyter, & exindè Episcopus. cuius dispositionis idem Caius in ea Epistola quam vltimo sui Præfulatus anno, de Diuinitate, & Humanitate Christi, ad<sup>8</sup> Felicem dedit Episcopum, extrema parte meminit. sic itaq; rebus in Vrbe componendis intentus, in qua numerum Christianorum magnis accessionibus adaugeri cernebat, dum ipse grauioribus rebus addictus, eorum vt res poscebat necessitatibus prospicere minimè valeret, Diaconis ad quos ab ipso Ecclesiæ exordio, pauperum pertinebat procuratio, regiones Vrbis diuisit, Anastasio teste. Ab Vrbis porro rebus ad remotiores Orbis partes pietati propagandæ, proprio supremi Pastoris munere, animum adiiciens, Bisontinis Maximū teste Iacobo Chisletto destinat Episcopum. in Sardiniam Insulam Prothum Presbyterum & Ianuarium Diaconū delegauit, vt Ecclesiasticæ tabulæ testantur. eius partes intercà pro virili Gabinius frater indefessa subleuabat diligentia; qui defuncta coniuge ex qua Susannam filiam susceperat, sacris initiatus, Presbyterali dignitate in Vrbe satis erat conspicuus, cum enim egregia eruditione præstaret, vt habent acta Susannæ, tanquam verus Ecclesiæ Senator, multa contra Gentilium impietatem scripsit, ac pro religione Christiana præclaram defensio.

nem publicauit, quam dolendum sanè ad posteritatis manus peruenire non potuisse; cum <sup>9</sup> Claudius & Maximus, quos acta S. Susannæ modo Fratres Caij & Gabinij, modo germanos & affines, tum Caij tum Diocletiani appellant, veritas Maruli notis, auctoritateq; Martyrologij Bedæ, & aliorum antiquiorum testata, fratres Gabini Caijq; prodit, in Comitatu Imperatorum gentiliciæ superstitioni addicti degerent; quos spectata simul militari virtute, & suorum in altum gloriæ prouehendorum studiosus Imperator Tribunos utrumq; constituerat, Maximum præterea ad Magistratum Palatinalem, Comitum rei priuatæ, cuius fidei concredebantur ea, quæ tanquam ad priuatas Principis rationes pertinerent, munus fidissimis quibusq; committi solitum, euexerat. Interim Claudius Aureliæ Valeriæ stirpis propagandæ cupidus, quòd Diocletianum Principem mascula prole cerneret orbatum, Pontificem Caium perpetuò cælibatui addictum, Gabinium post coniugis fatum, Sacerdotio insignem, Maximum verò Palatinalibus militaribusq; studiis penitus occupatum, posteritate virili destitutos, ducta Præpedita coniuge, facillè ex sua gente Illyrica, præclaram prolem, Cuthiam & Alexandrum filios suscepit. Dum Valerij Pontificij in hunc modum sese habent, Imperator ex Serena Augusta, quam Illyricam fuisse, præter Principis ingenium omninò suis deditum, vel ex eo licet conijcere, quod nullus Scriptorum Romanorum vnquam illius meminerit, tabulis Ecclesiasticis exceptis, duas filias, Valeriam adhuc priuatus, & Arthemiam ad Regnum euectus, genuerat, nulla virili prole suscepta. hinc non minùs de posteritate, quam de bono successore

libi collegæq; subrogando sollicitus, anno sui Imperij nono, nonagesimo secundo suprâ ducentesimo à Christo nato, iplis Kalendis Martijs, Maximianum Galerium, sicuti Maximianus Herculiusscollega, Constantiũ Chlorum<sup>10</sup> Illyricos, priores vxores repudiare coactos, ex quibus hic iam Constantinum, ille verò Seuerum & Maximinum, habuerant, iuncta Valeria Diocletiani filia, Galerio, Theodora verò Herculij priuigna Constantio, generos adscitos, filios, & in Imperio successores adoptarunt, cum prius vniuersum terrarum Orbem pacassent; vt ex Panegyrico Maximiano dicto ijs verbis habetur.

O Kalenda Martiæ, sicuti olim annorum voluentium, ita nunc æternorum auspices Imperatorum: quâta enim inuictissimi Principes, & vobis est, & Reipublicæ propagatio, Orbis vestri participando tutelam. cuius licet omni hoste perdomito certa securitas, nimius tamen indiuersa discursus, vel reuifenda poscebat; Partho quidem vltirà Tygrim redacto, Dacia restituta, porrectis vsque ad Danubij caput Germaniæ Rhetiæq; limitibus, destinata Bataviæ Britanniaq; vindicta, gubernacula maiora quærebat, aucta atque augenda Respublica. & qui Romanæ potentia, terminos virtute protulerant, Imperium filio pietate debebant. hæc ille. verum enimvero sicuti Constantius numerosam sex filiorum prolem ex Theodora tulit, ita Galerius sterilem penitus Valeriam, tertio coniugij anno, morte sublatam ammisit. cuius amore Diocletianus pater, vt defunctæ memoriam consecraret æternitati, Pannoniæ partem. teste Ammiano, eius nomine institui, cognominariq; voluit; illam nimirum partem, quæ hodiè Varasdiensi Comitatu, Drauũ inter &

## A. VALERIA

Sauum fluuios, nobilis Slauonici Regni portio, diues gleba fortiq; colonos censetur; sed præterea eiusdem Valeriæ nomine nuncupasse Ciuitatem sitam ad ripam Danubij ex Ennodio tradit Baronius; quam fortè eo loci fuisse coniectari licet, vbi nunc primaria Vngarici Regni Ciuitas Strigoniensis extare videtur; cum superioribus annis, quædam Epygrammata Valeriæ nomine insignita, inibi ferantur effossa. Cum itaque morte Valerię Diocletianus videret resolutum affinitatis vinculum cum Galerio, omnem diligentiam adhibuit, vt eundem iterato vinculo, sibi Reipublicæq; vinctum retineret. Susannam igitur Gabinij consobrinæ filiam, virtutibus omnibus à patre instructam, in sua cognatione vnicam, cum Arthemiam eius filiam admodum tenerę esset ætatis, federe nuptiarum ipsi iungere statuit; at dum terrenò Regi illam copulare satagit, aliud omninò agens, immortalis Celi Regi æterno federe sponsam coniunxit.

Extant acta Susannæ quatuor exemplaribus aliquantulum inter se discrepantibus consignata, quorum auctoritate, sed ijs faciem præferentibus quæ à Laurentio Suriō publicam in lucem data sunt, verbis ipsis plerumq; retentis, nuptialem Virginis inuictæ purpuram, & immortalitatis sertum contexemus. Diocletianus igitur iuncturus Susannam Galerio, consobrinum suum Claudium, virginis patruum accersit. eique dat negotium Gabinij adeundi, suæq; voluntatis eidem circà filiam eius aperienda. quod cum ipse Gabinio significasset, isque videretur quodammodo tale connubium abnuere, eo quòd filiam suam tanquam Christianam, Imperatorio thalamo, nequaquam parem censeret; Claudius è contra condignum



esse contenderet, ut ad nutum Diocletiani patrui, Virgo Regem fortiretur maritum, iustum esse inquires, ut à firma radice nata virgulta non separentur; Gabinius acceptis inducijs mentis puellæ explorandæ prætextu, eandem ad Caium Pontificem adduxit, quem cum certior fecisset omnium, quibus eum Claudius nomine Imperatoris adierat, Susannæ coram eodem voluntatem Principis aperuit, non absque lachrymnis; cuius verba Virgo miro mentis ardore rationumq; gravitate ita reiecit, ut detestatis nuptijs cum Dæmonum cultore expetitis, nihil antiquius esse sibi addiderit, quam deuotam Christianæ castitati vitam, & pudicitiam, Christo immortali sponso illibatam seruare; multisq; & Euangelicis, & Apostoli prolatis autoritatibus, ita disertè propositum suum, magno mortis contemptu, eis explicauit, ut æquè à patre, ac patruo ad ipsdē vestigijs insistentem, quibus iam constiterat, nullo metu Principum minitantiū, ingenti commendatione constantissimi illius animi confirmaretur. Triduo post redijt Claudius ad explorandum quid cum Susanna Gabinius egisset, eūdemq; cum Caio inuentum, more patrio amplexatus est, & osculatus, qui cum Susannam aduocasset, ut ab ipsamet mentis eius deliberationem intelligeret, eandem quoque amplecti & osculari voluit, quem illa reiiciens: non inquit ob aliud recusosculum, quam quòd os tuum sacrificijs Idolorum pollutum est. ad quam ille: ecquid verò faciam ut hac immūditia purgetur os meum? cui Virgo cum baptisimi & pœnitentiæ proposuisset remedium, à Caio Pontifice de rebus Christianæ religionis expetiuit erudiri, & sacro fonte lauari; Susanna hoc idem ad Caij

pedes prouoluta summis precibus exposcente: hinc Pontifex postquam disertis verbis illum instruxisset, capacemq; veræ pietatis effecisset, lactis & mellis sacra medicina, pro eorum temporum consuetudine refectum inter Cathecumenosq; adscitum, domum suam remisit; qui statim uxori suæ Præpedignæ euncta quæ sibi contingerant, & quemadmodum precibus puellæ neptis suæ ad gratiam Domini accessisset, enarravit. ijs auditis Præpedigna obstupuit, & ut ea quæ diu antè de fide Christiana capeßenda cogitauerat, sed terrore viri Christianos insequentis destiterat, repente ad Caium Pontificem se contulit, ad cuius pedes cum se submisisset, eodemq; tenens, & exosculans, cum lachrymis salutem suam, & filiorum à Pontifice flagitabat ad cuius voces Susanna è cubiculo prodiens, peramanter illam est amplexata. nocte sequenti adest Claudius cum duobus filijs Alexandro & Cuthia, domumq; Gabinij ingreditur, projectusq; ad pedes ipsius petijt maximis precibus, sibi filijsq; baptis-  
mi gratiam impertiri; quos Gabinus præmissis quæ in huiusmodi actu ritu Ecclesiastico fieri consueverunt, Cathecumenos cum matre effecit, mox ubi de fide Christiana sufficienter instruxit, sacro baptismo Claudium expiauit; Caius verò tanquam Pontifex sacro Chrismate illiniuit, uxoremq; eius Præpedignam ac filios, sacri fontis lauacro abluit, quos Gabinus suscepit è Baptismo. post hæc idem Pontifex in eadem domo pro illis sacrificium obtulit, & consecrauit corpus & sanguinem Agni immaculati, & lac & mel & fontem, participauitq; cum omnibus mysterium Dei, iuxta illorum temporum consuetudinem. Claudius statim ut Christianus est effectus,

facultates suas pauperibus erogare cepit, ijs præsertim,  
 qui vel secretioribus locis occultabantur, vel pro fide  
 Christiana vinculis adstricti tenebantur; quos non solum  
 pecunijs distributis, sed vestimentis exhibitis contoue-  
 bat, abijciensq; se ad eorum pedes, supplex ab eis pete-  
 bat, Deum quem Christianos persequendo offendisset,  
 sibi propitium efficerent; nocturnis horis custodias pu-  
 blicas adeundo. post mentem & dies sexdecim ab eo tem-  
 pore quo Rex connubium cum Susanna stabiliendum  
 illi demandarat, transactos; Diocletianus cum illum  
 nulla responsa referentem, perquirere fecisset, teneriq;  
 morbo acceperet, fratrem eius Maximum, rei privatæ  
 Comitem ad illum inuisendum, & ab eodem, quid de  
 connubio commisso egisset, inquirendum destinat. is ubi  
 venit ad Claudium, cum cilicio indutum, & orantem  
 inuenit; quo spectacula perterritus, causam tantæ noui-  
 tatis ab eo inquit, cui ille, se eorum peccatorum, quos  
 Christianos insequendo contraxerat, penitentiam eo  
 statu & corporis habitu agere respondit. sed cum is quid  
 de negotio à Principe super neptis Susannæ nuptijs com-  
 misso egisset interrogaret: ego ait Claudius neptem  
 meam adiui, nomineq; Imperatoris ad amplectendas  
 propositas nuptias, hortatus sum, verum eam non  
 minori prudentia quam corporis pulchritudine conspi-  
 cuam, Deo æterno Virginem dicatam inuenissem, ipsius  
 opera Christianam religionem suscepi, & ut scias Deum  
 omnipotentem omnium salutem expetere, nocte inse-  
 quenti domum fratris nostri, & patris Gabini iter inten-  
 damus, ibi æternitatis splendorem hausturi. ad quam  
 cum statuto tempore sese contulissent, Gabinius ubi eos

pro foribus adstare accepit, occurrens eis, in domum introduxit, mox Christiano more preces eiusmodi effudit: Oremus: illisq; humo prostratis ait: Domine Deus, qui dispersa congregas, & congregata respicis, respice in opera manuum tuarum, & illumina omnes in te credentes, quia tu es lumen verum, in secula seculorum: Amen. responderunt omnes; surgentesq; de terra mutuo se complectuntur & osculantur. Claudius verò cum gaudio osculabatur pedes Gabinij, quod cernens Maximus admirabatur, orabatq; ut Susanna in ipsius conspectum veniret, qua per Gabinium aduocata, & illa more Christiano, à patre tanquam à Sacerdote benedici deponente, sic ille orauit: Pax nobis donetur à Domino Iesu Christo, qui viuit & regnat cum Deo patre omnipotente, in secula seculorum, respondentibus ijs qui aderant. Amen. interea Maximus admiratus in Susanna constantiam humilitatis & verecundiae, apprehensas manus eius osculabatur, illa renuente. ijs Caionunciatis qui in proxima suae domus Ecclesia morabatur, anxius ne sibi palma martyrij præriperetur, eo quòd Maximum minùs amico animo, tãquam ethnicum ad Gabinij domum accessisse suspicaretur, eo statim conuolauit; quo adueniente, omnes qui erant intrà ædem Gabinij, venerabundi se in terram prostrauere. quibus ille: In nomine Domini animo constantes estote, tùm precationem addidit. Oremus, Domine Deus Pater Domini nostri Iesu Christi, qui omnibus ad salutem & vitam æternam misisti Dominum nostrum Iesum Christum, ut nos è mundi tenebris erueres, da nobis seruis tuis constantiam fidei, quia tu regnas in secula seculorum. responderunt omnes. Amen.

Caius inde sedens ad congregatos sedentes, Susanna sola stante, & orante sermonem habuit. quo ad finem perducto, admissio ad osculum pedum Maximo, plura cum eo de causa sui aduentus egit, Maximoq; de Susanna Galerio iungenda ex Imperatoris voto vrgenti, Pontifex Virginis institutum cum patefecisset, eiq; excellentiam Christianæ virtutis, salutisq; suæ pondus exposuisset vberius, simulq; ostendisset, quantas diuitias ipse cum fratre salutis æternæ desiderio deseruisset, eum ad capeßendam Christi fidem, paterna affabilitate pellexit. verum antequam salutaris fonte eundem expiaret, necessarijs monitis satis instructum, indicto ei vt Cathecumeno, ieiunio, ad propriam domum remisit. sed scintilla diuini amoris breui eam cupiditatis flammam in Maximi corde excitauit, vt ne momento temporis sese potuerit continere, quin iterum ad Christi Sacerdotes Caium & Gabinium petendi baptismatis gratia properaret. quorum consilio eousque passus est sibi salutis portum occludi, donec omnia sua pauperibus erogaret. post quintum itaque diem maxima facultatum parte inter egentes distributa; magnis precibus & obsecrationibus Caij pedibus aduolutus, calore fidei exestuans, exoptatam baptismi gratiam impetrauit. ergo prius à Pontifice de ijs omnibus quæ perquirere consueuerat à proxime abluendis, Christiana pietate interrogatus, mox à Gabinio alijs instructus, manu Caij lauacro celesti, & sacra vnctione, numero fidelium est aggregatus, eodem Pontifice sacrosancta mysteria libante. Ab eo die Valerij fratres simul hospitio iuncti, laudibus diuinis lætos dies transigebant, cum interea Maximus, utpote diuitijs ingentibus affluens, singulis

noctibus, amico cuidam nomine Thraſoni, iampridem à Caio ad Chriſti gregem traducto, reliquias ſuarum facultatum, indigentibus largiendas cōmunicaret; Thraſone rem ſumma cura pietateq; perficiente, quippè qui præter rerum ac litterarum peritiā, nulli fermè gentiliū pro Chriſtiano habitus, liberius iniunctum munus exequebatur, carceres quoſcunque, custodiasq; quibus Chriſtiani concluderentur inuiſens.

Interea dum Diocleſianus poſt Claudium, fratrem quoq; eius Maximum pro eodem connubij negotio ſuffectum, viginti dierum ſpatio minimè addeſſe animaduerteteret; Arſitius quidam qui in munere Comit̄ rei priuatæ, Maximo adiutor extiterat, Imperatorem adiens, deſert Comitē ideirco à Palatio tam diū abeſſe, nec vllum reſponſum de concedita re ad eundem referre, quod tam ipſe, quàm Claudius frater cum vxore Præpedigna, filijsq; Alexandro & Cuthia, opera Caij acque Gabini Chriſtianam religionem proſiterentur, bonis omnibus quæ poſſediffent in egenos effuſis. quo nūntio, tanquam inexpectato penitus Imperator conſternatus, rem ſilencio textit. mox omnia Serenæ Auguſtæ vxori aperuit, dolens in primis, quod vterq; frater commiſſi muneris officium exequi neglexiffent. illa verò cum iampridem Chriſtum coleret, nihilominus grates agens Deo, reſpondit Imperatori: hoc tantum conſilij ſe poſſe ſubminiſtrare, vt etiam ille diuinæ voluntati animum accommodaret. ſed Imperator contempto coniugis conſilio, vocat ad ſe Iulium quendam, ferum & immanem hominem, rem cum illo cōmunicat, iniuriam ſibi illatam cōqueſtus, quod quibus, vt ſibi cariffimis, conciliandarum

nupriarum adoptiui filij curam demandasset, ij contem-  
ptis eius præceptis, nil vnquam retulerint, sed insuper  
ausi sint ad Christianas partes transire. tunc Iulius non  
minùs Imperatoris irati animo gratificaturus, quam  
odium in Christianos effusus, censuit omnes qui Prin-  
cipum mandata iniusta licet, nedùm iustitiæ & æquita-  
tis plena, cuiusmodi fuissent illa, quæ ab eo fuerant iniun-  
cta, contempsissent, omninò puniendos esse, nec eorum  
supplicium vllatenus vltà differendum. iubet igitur  
Diocletianus vt Iulius mittat milites qui omnes com-  
prehendant, solo Caio Pontifice excepto. exequitur ille,  
iussa, comprehensisq; omnibus, Claudium cum vxore  
Præpedigna & filijs Alexandro Cuthiaq; itemq; Maxi-  
mum in exilium iussit deportari, & flammis concrema-  
tos, cineres apud Ostia Tiberina in fluentia iactari, duo-  
decimo die Kalendarum Martij, anno quinto suprà no-  
nagesimum, post alterum Christianæ felicitatis sæculum;  
Susanna interim & Gabinio custodiæ mancipatis. Vbi  
verò quinque suprà quinquaginta dies ambo fuissent de-  
tenti, agit Diocletianus cum Serena Augusta, vt Susan-  
nam ad se perductam, eiusq; mente explorata, ad sua  
vota & ad nuptias cum Galerio ineundas flecteret; du-  
cta; itaque à militibus ad Palatium Susanna, eam ad  
eius pedes Augusta prostrata statim venerata est, eiusce-  
modi humilitatis officia Virgine rependente Reginæ,  
multis vltro citroq; pietatis obsequijs inter easdem inter-  
cedentibus; dumque per multos dies degeret in Palatio  
Susanna penès Augustam, nullum temporis momen-  
tum, ab orationibus, & diuinis laudibus vacuum inter-  
misit, summa Reginæ iucunditate lætitiæque. sed Dio-



clerianus moræ longioris impatiens, mittit ad Serenam familiarem quendam suum Curtium, efflagitans ut quibuscunque modis posset, Susannæ connubium Galerij persuaderet; verum cum illa se nihil posse cum Deo deuota Virgine proficere iuxta suum votum respondisset, multo furore succensus Princeps, mandat Galerio, ut Susanna Palatinis ædibus extrusa, & in Gabinij patris domum reducta, vel vi illata, illius abuteretur pudicitia, sic denique dehonestatam ibi relinqueret, quod dum exequitur, digredienti Virgini, Augusta Diuinæ providentiæ tutelam est deprecata eandem, quæ priscæ quondam Susannæ innocentiam protexit & illustrauit. nocte consequenti Galerius Maximianus temeraturus virginis integritatem, iuxta Principis præceptum, irrumpit in cubiculum, in quo Susanna consuetis precibus intenta Deo vacabat; sed ecce inter splendidissimos lucis radios, cernit Angelum è cælo lapsum, custodem eius capiti excubantem. quare ingenti timore perterritus, ne attingere quidem illam ausus derelinquendo, citato cursu, pedem illius domo efferens, ad Palatium fuga sese recipit, & quod sibi contigerat enarrauit Augusto; qui factum magicis præstigijs tribuens, aduocat Curtium, eumq; ad Gabinij domum transmittit, imperat Virginem occultè subijciat quæstioni, & in contumacem seu reluctantem animaduertat; paret ille, adit domum, virginem aggreditur. veruntamen insperato incertoq; timore perterritus, nec ibi diutiùs morari ausus, ab incepto desistens, rem deferat ad Principem, qui succellibus eiusmodi turbatus, Reginam adit, cum qua collatus multis, de religione Christiana, deque Christi aduentu,

inania hæc omnia esse contendens, Christianamq; religionem superstitionis arguens, cum nihilominus validis Augustæ rationibus resistere non posset, non sine pudore deuietus est. quare mutato sermone, quippè qui disertissimis rationibus à Christiana Heroïna allatis, omninò se cernebat imparem, cepit conqueri, quòd tanti illa non fuisset, ut Susannam ad nuptias cum Galerio contrahendas adigere valuisset. cui illa intrepida mente respondit: Elegit siquidem Susanna quod melius est, cuius rei idem filius tuus adoptiuus testis habetur, qui cælesti fulgore eam ambiri, atque Angelica tutela custodiri non denegauit. itaque cum Imperator se frustrà tempus terere cum Augusta videret, omninòq; sibi persuaderet, Susannam magicis artibus dementatam à coniugio Galerij abhorrere, dat negotium Macedonio, ad eius domum se conferat, omnimodèq; vel vi illata, & tormentorum, ac ipsius mortis interminatione, à cultu Christiano abstractam, occultè tamen, ne mansuetudo inquit nostra laboret inuidia, ad sacrificia Dijs offerenda adigat. peragit mandata Principis Macedonius, Gabinij domum ingreditur, Virginem conuenit, admouet tripodem, iubet ut thura Iouis simulacro ibi exposito offerat; illa genibus flexis eiusmodi preces effundit: Domine non videant oculi mei Dæmonum thecas, sed consolare ancillam tuam: mox Iouis statua ab omnium oculis euauit. quod ubi vidit Macedonius, amore auri quo simulacrum constabat, incusat Virginè furti. at dum illa omni modestia fatetur ingenuè iussu Dei per Angelam illud ablatum fuisse, ne eius intuitu oculi sui polluerentur; quidam è famulitio Macedonij, nuntiat Iouem

aureum in Platea antè Palatium Salustij iacere. tùm Macedonius impia gentilium persuasione magicis artibus factum adscribens, iraque exandescens, manibus suis expoliata Virginem, fustibus cedit, diuinas laudes ingeminantem; vrgenteq; magis ac magis illo vt Idolis sacrificaret, illaq; semper constantius, & alacrius renuente; & post diuturnam pugnam, re infecta, Macedonius Imperatori renunciat calum simulacri Iouis sublato, & confracti in Platea. Diocletianus igitur mandat, vt intrà eiusdem domus parietes illà gladio percuteret, cuius actu ad cęlestis Sponsi euolauit amplexus, tertio Iduum mensis Augusti. atque ita laureæ virginittis, æternam martyrij coronam adiecit. quod vbi comperit Augusta Serena gaudens, noctu ad ædes pretioso Virginis cruore sacratas aduenit, eiusq; sacrum corpus proprijs manibus curauit, sanguinemq; ibi effusum, suo velamine exterfit. repositoq; in arca argētea intrà penetralia Palatij, magna pietate adseruando, diũ noctuq; furtiuus precibus deinceps inibi perorauit. corpus porro S. Susannæ ipsa suis manibus, aromaribus delibutum, & linteis inuolutum, in crypta ad Sanctum Alexandrum, in arenario deposuit. Pontifex verò Caius ab eo die, quo Susanna percussa est, eandem domum, tanquam Deo verò sacram habuit, & pro eius commemoratione iugiter sacrificium obtulit incruentum.

Hactenùs ex actis S. Susannæ, verbis alicubi immutatis, sensu semper eodem, sex palmas Valerias æternum virëtibus ramis in cęlum illatas expressimus, Claudium, Maximum, Præpedignam cum filijs Alexandro, & Cuthia, Susannamq; nobiles quidẽ illas, & præter Scri-

ptorum industriam, purpureo sanguinis effusi paludamento per quam illustres, sed eiusmodi quæ quadrigæ mox subsequuntur, Valerij potiùs triumpho laureati præcursores, & triumphalis apparatus ornamenta, quam ipsi triumphantes habendi videantur; cum posthac spectandus sit nobis ipse triumphalis apex, ijs prærogatiuis, quibus præmissa cohors felix incessit inferior nequaquam, si Scriptorum non desideraretur diligentia, sed præterea Regia, Sacerdotali, Pontificiaq; summa maiestate sublimis, & quod ad eximium solidæ eminentiæ columen accedit, Dux & author immortalis gloriæ, nobilitatisq; Valeriæ nunquam interitura. ij sunt Serena Augusta, cum Arthemisia filia, Caiusq; ac Gabinus, quorum postremus tanquam Augustalis quadrigæ frons, adest nobis intuentus. eo ordine quo reliquos tres maturatæ felicitatis auspicijs antecessit. Hic cura Caij fratris natu maioris, piæquæ atque liberaliter educatus, adulta ætate duxit uxorem, huius ut reliquus vitæ cursus, ita nomen etiam ignoratur, haud tamen absimile verò creditur, eam & Illyricanæ sobolis, & Christianæ fuisse religionis. hac occasione facilè mihi persuadeo Gabinium propria sibi domo constituta, à Caio cælibem sacramq; vitam proficiente, domesticæ curæ causa secessisse. ex uxore ei Susanam tantummodo natam exploratum habemus. cui diutiùs nequaquam matrè superuixisse certum est, Gabinium enim vxorio vinculo solutum, circa ea tempora, quibus Caius ad Pontificatum est assumptus, Presbyterali ordine initiatum fuisse, Scriptores testantur. quo vitæ statu arrepto egregiam operam Ecclesiæ Dei, fratriq; Pontifici, sacer Senator nauauit. nam cum luteris & rara

eruditione excelleret, amēnitatem ingenij præclaris exercuit laboribus; defensionum in primis & Apologiarum libros pro Christiana religione, vt diximus euulgauit. fratris Pontificis indiuiduus comes, & laborum locius extitit assiduus. donec Claudij Maximiq; germanorum, necnon Susannæ filia causa, iussu Diocletiani pēnali carceris horrore circumdatus fuit. in quo vt Romanum habet Martyrologium, diū in custodia afflictus, pretiosa morte, cæli gaudia comparauit; vñdecimo Kalendas Martij anniuersariæ ipsius memoriæ dicato. post mortem filia mense sexto, die octauo. Petrus de Natalibus à Caio fratre sepultum fuisse, est author. plura de tantō viro ex antiquitatis pelago expiscari non licuit. quantumuis tamen silentibus Scriptoribus, auget meritō sublimis Ecclesiæ Senatoris pluribus alijs titulis præclarum nomen, magnumq; reddit, non minùs scriptis publicis tuendæ, quam proprio sanguine protegendæ religionis Christianæ studium & labor, quo primus ille ex Apostolico Romano Clero, zelo item & constantia Apostolica, bello nefariæ inanum deorum superstitioni indicto, stylum eruditionis, contra impietatem contorsit; quod olim sub Antonino Principe Iustinus Philosophus, & sub Hadriano Aristides Atheniensium Episcopus, teste Hieronymo fuerant ausi. moxq; imitatione Gabinij, Arnobius Afer, & Minutius Felix aliq; præstiterunt.

Progressu temporis tam Gabinij, quàm Susannæ corpus in eorundem domum per Caium Pontificem statim à morte Virginis in Ecclesiam commutatam, translatum fuisse, constanti Scriptorum testimonio constat. ex qui-

bus Pompeius Vgonius, qui antè aliquot annos, librum de sacris Vrbanis Stationibus edidit, antequam ea Ecclesia pietate verè Senatoria Hieronymi Cardinalis Rusticuj regij splendoris ornamento decoraretur, eiusmodi inscriptionem, in Apfide ipsius extitisse testatur.

**OLIM PRESBYTERI GABINII FILIA FELIX  
HIC SVSANNA IACET IN PACE PATRI SOCIATA**

Hæc Ecclesia diuersis pridem nominibus est appellata, nimirum ad duas domos, item Sanctorum Gabinij & Susannæ, & demum S. Susannæ solius. diuersitatis causa fuit, eo quòd Gabinij domus proxima fuit domui Sancti Caij, quæ itidem vt ex actis retulimus, ab eodem Pontifice diuino cultui dicata fuit; hæc enim ibi leguntur: Caij Papæ domus Beati Gabinij domui iuncta est, atque ex illo tempore Christianorum statio deputata est in duabus domibus, vsque in hodiernum diem. ita ibi. vbi etiam describitur situs loci duarum domuum, iuxta vicum Mamuri ad Palatium Salustij, vt vidimus. nec solum statio ibidem decreta, sed vtraque Ecclesia in titulum Urbis erecta fuit. hinc in antiquissimis monumentis, quæ seruantur in Archivio Sanctæ Mariæ Transtiberim, teste Alphonso Ciaccone, sub Gelasio Primo Papa, anno Domini nonagesimo quarto supra quadrigentesimum, subscriptus inuenitur Asellus Presbyter Cardinalis Sanctorum Gabinij & Susannæ. Agathq item Presbyter tituli Sanctę Susannæ, sicuti & Benedictus Presbyter tituli Sancti Caij. Seuerus item Presbyter tituli Sancti Caij. Ab huius Ecclesiæ titulo ad Pontificatum fuisse euectum



Leonem Tertium Pontificem, constat ex Anastasio, eundemq; Pontificem, collabentem dictam restituisse Ecclesiam; quod multis post annis Sixtus Quartus, & demum omnium prædecessorum munificentiam longè supergressus, Hieronymus Rusticucius, ætate nostra, effecerunt. at sicuti Gabinij domum post Leonem, Sixtumq; Pontifices, Rusticucij Cardinalis pietate magno Urbis ornamento stare videmus, ita Apostolico zelo Urbani Octavi, bono humani generis nato Caij sacros penates iniuria temporum excitos & omnibus ferè ignotos in antiquum splendorem cernimus assurgentes.

Ecclesiastico Senatori Gabinio, proximè accedit, Summi Sacerdotis Caij Pontificis maiestas, iam tertium suprà decimum annum in supremo Christianæ religionis Magistratu exigentis, & ad immarcescibilem æternitatis coronam adproperantis. hoc vnum tamen illius splendori nubeculam aliquam opponit, quòd res eius gestæ, sicuti & Gabinij fratris, maxima ex parte, Pontificatu præsertim tam diuturno, penuria Scriptorum considerantur, nam præter ea quæ ex actis Sanctorum Sebastiani & Susannæ delibauimus, nulla alia tanti Pontificis tredecim annorum interuallo Sacerdotio functi, vberiora monimenta nobis subministrat antiquitas. Virtutis ipsius eminentiam quanti fecerit Diocletianus, vel ex eo licet intelligere, quòd extinctis Susannæ occasione, Claudio, Maximo, Præpedigna cum filiis, ipsaq; Susanna, ac eandem ob causam Gabinio tetris ergastulis mancipato, illum quamuis omnium aliorum caput, & earum rerum quibus ira Principis in alios desæuierat, authorem, vetuerit nihilominus, vt ex actis allegatis vidimus, dum





Gabinium cum filia detinere in carcere mandaret, afflicta molestia . ex quo factum videtur , vt contrà Manichæorum sectam per ea tempora insurgentem , ipsomet fortassè Caio rem perurgente, idem Imperator ad Iulianum Africæ Proconsulem admodum seuerè contrà eosdem Manichæos rescriberet ; quòd itidem viuo Caio nil publicis scriptis , more prædecessorum Principum in Christianos statuerit ; etiamsi ne ea tranquillitate quæ patruele Principe regnante frui potuisset , implacabilis , gentiliciæ vanæ superstitionis Pontificum insectatio , absente plerunq; Diocletiano, ac bellis Orientalibus implicito , perpetuum ei, gregiq; suo negotium facesserit , & ad ipsa cryptarum latibula sæpè sæpiùs compulerit . in quibus ille angustijs minimè sibi ouiliq; suæ curæ commissi bono defuit . ibi enim de summa Reipublicæ Christianæ , tanquam in regijs comitijs , cum Clero , alijsq; Episcopis egisse , indefessum Christi Principem , Anastasius aliq; testantur . indè enim nobilem illam ad Felicem Episcopum Epistolam , quam ad calcem opusculi subiiciemus , de Christi humanitate , vt ex subscriptione consulatum patet , extremo nempe sui Pontificatus anno perscripsit . in quibus Cryptis author libri de Romanis Pontificibus , Confessorem quicuisse fatetur . & licèt tam hic author , quàm Anastasius , martyrio coronatum scribant , sicuti & Gabinium , non tamen id ita intelligendum censeo , vt violentæ manus cruciatu , vitam concluderit , verùm eo sensu , quo antiquitas pari honore martyrij decorare consueuerit eos , qui pro Christo sanguinem effudissent , ac illos qui aliquando pro confessione Christianæ legis affecti fuissent ærumnis atque mole-

stijs; ita Eusebium Vercellensem, Felicem Nolanum, plurimosq; alios, alioqui quieto sine obdormiscentes, titulo martyrum Ecclesiasticæ tabulæ ad hanc usque diem insignes exhibent. præfuit Sanctus Pontifex Ecclesiæ, ex Baronij supputatione, annis tredecim, per menses quatuor, & quinque dies inchoatos, decimoq; Kalendis Maij triumphans adijt cælum, quamvis aliqui ad quintum decimum annum illum Pontificatum protraxisse contendant. contigit finis ipsius vitæ, extrema periodo tertij Christiani sæculi, quadriennio citius. corpus Cæmeterio Calixti in omne ævum innumeris Sanctorum Reliquiarum legionibus sacrosanctum, illatum, per mille trecentos & vigintiquatuor annos, intrà illud conquieuit; donec præcipuis Urbanis Italicisq; Ecclesijs, sacrorum eius cinerum possessionem sibi vindicantibus, Gregorio Quintodecimo Pontifice, iterum Romanis oculis sese spectandum præbuit, omni contentione dictarum Ecclesiarum prorsus extincta. rei seriem, ut potè memoria dignissimam perstrinxisse, Valerij triumphis splendorem erit addidisse.

Incesserat animum Gregorij, omni ex parte religionis propagandæ, diuiniq; cultus ac Sanctorum venerationis adaugendæ, si ea quæ Triennali fermè Pontificatu peregerit, examinaverimus, omninò admiranda cupido, indè dum mentis suæ motus exequendos delectis ad id demandat ministris, sacra Urbis, & suburbana Cæmeteria, Sanctorumq; corpora, & reliquias in illis quiescentia, Petro Paulo Cardinali Crescentio, tituli Sanctorum Nerei & Achillei, Episcopo Vrbeuetanò inuisendi, recognoscendiq; prouintiam mandat; hic in adeò pij, sed mul-

tum laboris, & assiduitatis requirentis operis cōsortium, Iacobum germanū suum, Abbatem Nursinū, virum præter vetustissimæ familiæ splendorem, morum integritatem; nulli inter sacros aulæ Romanæ proceres secundo, à teneris nimirum annis, ab aui nostri illustrissimo sanctitatis sydere, Philippo Nerio ad omnem pietatem efformatum adscissit. haud absimili ratione ab ea, qua olim Angelicus Doctor, Seraphicum Bonauenturam, Sancti Francisci viræ describendæ intentum cum inuenisset, sinendum sanctum pro sancto laborare pronuntiauit. Is ea qua erga eiusmodi labores indefessa fertur auditate, dum subterranearum crepidinum subeundarum peritis, alijsq; pijs adscitis socijs, Calixtiana sepulchra multis à retrò sæculis inaccessa, per vliginosas caueas, æternis tenebris deuotas, foraminaq; vix cubitalia aliquando, decidentis arenæ subindè tumulis obstrueta, plerūq; reptando serpēdoq; pia patiētia, labores vix alteri tolerabiles, amabiliore indies efficiente, perscrutatur, sacula iugiter resecta præeunte, & maxima sacrorum reliquiarum conquisitione, inuisit; aliquando cum post torius fermè diei laborem, ex infimis illis spelæis, auræ captandæ gratia egressus, pensum Sacerdotalium præcum in campo inter Basilicam S. Sebastiani, & Pauli, sacris sepulchris imminenti, constitisset persoluturus, animaduertissetq; exoluedas occurrere vespertinas horas peruigilij diei Sancto Caio dicati; oculos ad cælum atollens: Vtinam inquit Sanctissime Pontifex cuius inueniendarum reliquiarum desiderio iampridem ardeo, hac die, qua cum vniuerso Orbe Christiano, triumphalem tuam recolo memoriam, meis benignus voris adesses, quam præclare cum quali-

buscunque laboribus, authoritate tui successoris à me lubentissimè susceptis, actum putarem. ijs ita non minùs animo quam voce conceptis, instàtibz tenebris domum sese recipit; totamq; noctem, pio desiderio Caij visendi transigit: vix dies illuxerat, adest à Stefano Figino ex Benedicti familia Perillustri, & Basilicæ Sancti Pauli primate, quem pridie Urbem petens Crescentius operarijs præfectum reliquerat, missus vir, cubantiq; adhuc Abbati nuntiat, pridiano vespere, statim ab eius digressu, sepulchrum Caij Pontificis detectum. ille sumptis propere vestibus, alacritatis alis ad optatum locum accurrit: cernit in latere Cryptæ, repurgatis arenis quibus obruebatur, sepulchrum in arenaria tellure tempestatis illius more extructum, opere lateritio munitum, plumbiq; fusilis ferrumine compactum, quo iuncturæ genere nullam sepulchralem urnam antea viderat. solidatam. media in lateritia tabula eiusmodi nota palmaribus litteris excisa videbatur, sublequente signo rami palmæ & Christi nominis:

CAIO. PP.  

Venerabundus itaque genibus humi positus cum adstantibus, precibus quas tempus, & loci pietas suggerebat, piè pro gratiarum actione effusis Crescentius, lateritia illa munimenta, summa diligentia referat; inuenit humani corporis ossibus integris compagem, supino situ iacentem, indice digito dexteræ manus, anulum ex aurichalcho, Pontificium insigne, pro illorum temporum

pia modestia, retinentem; aliquotq; æreos numos cum  
 Dioeletiani effigie, temporis absque dubio indices, in-  
 tra corpus extantes. quibus omnibus decenti cura, cum  
 aliquot alijs sacris corporibus collectis, & ad Urbem alla-  
 tis, res vulgata Gregorium magno affecit gaudio, tanta-  
 rum æquè reliquiarum inuentione, ac diei, & ordinis,  
 quo res successerat, non absque miraculi nota memo-  
 randa obseruatione. Verùm cum eo ipso tempore Sere-  
 nissimæ Gonzagæ familiæ soboles eximia, Aloysius Dy-  
 nasta Castilionensis oppidi, Romani Princeps Imperij,  
 excitaturus in eodem oppido templum memoriæ patru-  
 sui, prærogatiuis Angelicæ puritatis antè triginta quin-  
 què annos, in sacroæratu Societatis Iesu, toto terrarum  
 Orbe insigni, iam verò beatorum titulo in cælo lætantis  
 Aloysij, ab Gregorio Pontifice aliquas insigniores San-  
 ctorum Reliquias, nouo templo ornando, muniendoq;  
 ex Christiano instituto, per Alphonsum Gonzagam Rho-  
 diensem Archiepiscopum flagitaret, Caium nuper luci  
 redditum, inter Romanos Pontifices Angelica puritate,  
 antiquitatis testimonio celeberrimum, purissimi adole-  
 scentis illati nuper cælo templum illustraturum, Ponti-  
 ficia benignitate, atque auctoritate concessum obtinuit.  
 ea tamen sorte, vt sicuti Romanæ Ecclesiæ Romani Præ-  
 sulis, exigua licet pars Romæ fuerit reseruata, sic & Illy-  
 ricani generis infimo, Illyricani patris, molaris dēs omni-  
 gaza pretiosior mihi perpetuò colendus, cum vno ex me-  
 moratis numis denegatus non fuit. vt scias Lector me vel  
 tanti thesauri augmento, & imaginibus, & scriptis pagellis,  
 Valeriæ nobilitatis, Christinis & oculis, & auribus expo-  
 nendæ, explicandæq; fuisse debitore legitime cōstitutum.

Spectata iam fronte triumphalis Quadrigæ Valeriæ ,  
 in Gabinij Sacerdotis, & Pontificis Caij maiestate; postre-  
 mæ eius parti, purpuris Augustalibus præfulgenti, ex  
 Serenæ, & Arthemiz eius ac Diocletiani filiz pietate,  
 oculos admouere liceat. Serenam igitur Imperator, vbi  
 & Christianam & Christianæ religionis cōstantissimam  
 patronam; vt ex actis S. Susannæ cognouimus animadu-  
 uertisset, & fortassis etiam patruelum ac nepotum lanie-  
 na, exterminio Valeriæ gentis, animum pupugisset, spre-  
 tis gentilium suggestionibus, æquior Christianis effici-  
 tur. accessit ad hæc insigne illud beneficium quo Arthe-  
 miam vnicam filiulam à malo Dæmone obsessam, opera  
 Cyriaci Romanæ Ecclesiæ Card. Diaconi sanitati resti-  
 tutam, Christianæ pietati acceptam referebat, vt suo lo-  
 co dicemus. quamobrem vt habent acta Marcelli Papæ  
 Diocletianus cepit benè habere Cyriacum, cui & domũ  
 donauit, præcipiendo vt securus viueret in Vrbe, rem-  
 totam eadem Serena curante. cui idem Imperator cum  
 paulò post à Sapore Rege Persarum requireretur, vt Cy-  
 riacum curandæ filię suę ab eodem malo Dæmone exa-  
 gitatę, transmitteret, Cyriaci pro dignitate expediendi,  
 necessarijsq; omnibus ornandi, negotium demandauit.  
 vt mirũ omninò videatur Principi adẽ grato erga  
 Cyriacum, de filia sua benemeritum, ingrati animi nõ-  
 ram inuri, quod Sanctum Virum obnescio quam filiam,  
 eius precibus Dæmonis obsessu liberatam, indignissima  
 morte confecisse dicatur. præsertim cum eo tempore  
 quo Vitus in Lucana Martyrium subiit, " Diocletianus  
 Nicomedię ageret Imperium depositurus; vel illo fortè  
 iam deposito. vt ex Annalibus Ecclesiasticis est videre.



quinimo ita Diocletianus interdum Christianorum rebus fauebat, ut ij ubiq; satis quietè agerent, Ecclesias ex-  
truerent, Concilia cogerent, totoq; terrarum Orbe dila-  
tarentur: quæ rerum tranquillitas perdurauit ad vnde-  
vigefimum Imperij Diocletiani annû, maximo rei Chri-  
stianæ incremento, Serena Augusta Principis animum  
ad piorum fauorem serenante. etenim præter ea quæ  
superiùs ex Eusebio retulimus, Nicephorus Calixtus, Li-  
bri Septimi, Capite Secundo, hæc eiusdem fermè Euse-  
bianis verbis habet, dum Diocletiani regnantis æuum  
describit: Erat, inquit, tempus cum Christiana professio  
pulchrè staret, gloriaq; sua & libertate clara haberetur;  
Græcis iuxta & Barbaris: quòd diuini verbi prædicatio  
vbq; terrarum vigeret grata & accepta; huiusce rei do-  
cumenta, certa sunt, cum magnorum Principum erga  
homines nostros egregia beneuolentia & humanitas, ac  
gentes quædam, quarum prouinciæ Christianis admini-  
strandæ datæ sunt, tum Imperatores ipsi Romani, & ma-  
ximi quique magistratus, qui res aulicas, & domesticas  
suas, nostris curandas commiserunt; eos quippè propter  
egregiam spectatamq; fidem præesse alijs, atque honore  
dignitateq; præcellere oportere iudicarunt; satis idem  
declarauit Dorotheus ille qui neminem honore ex ma-  
gistratibus, & præfectis omnibus propter bonæ mentis  
integritatem, & fidem, habuit parem; præclarus Gorgo-  
nius, atque alij eis pares. qui etiam ad supremum cæle-  
stis regni honorem sunt assumpti, propter fidei sincerita-  
tem; ac per eiusmodi viros in locis passim quibusq; Ec-  
clesiarum Antistitibus non parum accidit opis, & conso-  
lationis; ostendunt id quoq; plurimorum millium ho-



minum, Oratorijs, domibus, Cetus & Conuentus habitij, quæ oratoria cum propter angustiam confluentem tantam multitudinem non caperent, cernere erat ex paruis initijs, & fundamentis, in angusta amplitudine, & magnitudine admiranda in locis omnibus excitari atque construi templa, quæ ipsa temporis processu deinde incrementa quoq; ampliora cepere, cum qui ea ædificari atque augeri prohiberet, aut per fascinantem inuidiam aboleret, nemo esset; sic ea cælestis manus custodiuit, atque extra insidiarum omnium aleam esse voluit. hætenus ille.

Quid porrò in causa fuerit, cur antè vltimum Imperij annum Diocletianus animum hætenus in Christianos benignum, in acerbissimam supramodum contra eosdem insectationem commutaret, tum ex eodem Eusebio, & Nicephoro, tum ex alijs est facilè cognoscere. Eusebius Libri Octauj, Capite Primo & Secundo, quem Nicephorus ijsdem fermè verbis refert, apertè causam assignat, dum ita ait: Verùm cum nos præ nimia quadam licentia, in molitiem delicatam, & dissolutam segnitiam essemus prolapsi, cumq; alij alijs inuidere, maledictis insectari, & propè nos ipsi nos petulantibus linguis, tãquam mutuis armis oppugnare, & casu aliquando verborum contumelias, velut hastas, vnus in alium contorquere, & Præsides Ecclesiarum alter alterius vires infringere, & populus in populum seditionem concitare inciperent, cumq; ficta & adumbrata sanctitatis species, quæ oratione nequit exprimi, & simulatio fronte occultata, ad immensam quandam prauitatem serpisset, diuina vltio, dum per magna adhuc Christianorum vbiq;

versabatur frequentia, parcius aliquando, remissius, & modestius, ut solet, primo persecutione ex fratribus qui militiam exercebant inchoata, cepit in nos animaduertere. sed ubi veluti sensibus orbat, & perstricti mente, nulla cura aut cogitatione incubuimus, ut diuinum numen in nos insensum, beneuolum & placatum efficere-  
 mus, sed tanquam impij nostras res à Deo, nec curari, nec animaduerti arbitrati, alia vitia, alijs aceruatim adieci-  
 mus; & pastores nostri depulsa repudiataq; pietatis regula, dissidio & contentione inter se exarserunt, quin etiam nullas alias res præterquam discordias, minas, amulationem, inimicitias, & odium inter ipsos mutuo adaugere studuerunt, & animis ambitionis æstu incensis, Tyrannorum more principatum obtinere laborarunt, tunc demum iuxta Ieremiæ sententiam: Quomodo obrexit caligine in furore suo Dominus filiam Sion, proiecit de cælo in terram inclitam Israel, &c. & Libri Sexti, Capite Secundo: Verum non est nostrum oratione describere tristes illas calamitates, quæ ad extremum inuectæ fuerunt; quandoquidem, neque discordias antea persecutionem inter eos commotas, neque absurdos, & importunos conatus, nostrarum partium esse putamus memoriz commendare; quo circa nihil amplius de illis scriptis prodere decreuimus, quam vnde iustum Dei iudicium in illos declamatum, perspicue probare possemus. hæc Eusebius, causam cladis inturpissimos, ut arbitrabatur Christianorum mores reiiciens, qui paulò post addit etiam insidias Christianorum detectas tunc temporis in Imperatores his verbis. Cum alij in Melitina, alij rursus in Syria Imperio insidias parare molirentur, edi-

ctum Imperatorum exist, vt omnes Ecclesiarum Præsides, vt potè ea de re suspecti, in carceres & vincula conijciantur. hæc ille. qui paulò post etiam affirmat factum eiusmodi: Cum Regia Nicomediensis in qua tunc temporis Imperator agebat, incendio conflagrasset, & ex suspitione quadam rumor esset dissipatus illud facinus à nostris esse admissum, Imperatorem supra modum in Christianos exarsisse. ita ille. Sed & ipsi quidem Imperatores publicis monumentis, professi sunt palam Christianos tanquam Reipublicæ euersores, delere se studuisse. extat Clunię in Hispania ad hanc vsque diem inane trophæum, columna cum inscriptione, quam ipse quoque Cardinalis Baronius suis Annalibus inseruit, sententiæ eiusmodi.

DIOCLETIAN. IOVIVS, MAXIMI. HERCVLEVS  
CÆSS. AVGG. AMPLIFICATO PER ORIENTEM,  
ET OCCID. IMPE. ROM. ET NOMINE CHRISTIA-  
NORVM DELETO QVI REMP. EVERTEBANT.

Ex quibus constat, politici boni studio, ne dicam odio in religionem Christianam, Diocletianum diram cladem intendisse contra Christianos, spatio quatuordecim mensium. cum Eusebius ponat initium eius anno decimono Imperij Diocletiani, mense Dystro hoc est Martio, deposueritq; Imperium Princeps anno vigesimo nōdum exacto, Kalendis Maij ex Baroni sententia. qui notat: cū Senatus Romanus decreuisset persecutionem contra Christianos, acclamante populo in Circo, vt Christiani bestiis subijcerentur, Diocletianum censuisse: Vanas po-

puli voces minimè audiendas . cumq; Gentilium rabies Christianorum corpora contenderet nequaquam humari debere : Imperatorem rescripsisse : Obnoxios criminū digno supplicio subiectos, sepulturæ tradi non vetare . Et quidem si non nisi politico studio Diocletianus Christianos esset infectatus , vt aliqui aiunt, nec Serenæ coniugi , nec Arthemix filix, liberè Christianam pietatem profitentibus pepercisset . at vtramq; abdicationi ipsius ab Imperio superuixisse absque vlla molestia , ex actis S. Marcelli Papæ satis perspicuum est . sed iam ad Serenam redeamus , quam cum sciamus secessui mariti fuisse superstitem , facilè credere possumus illam à Deo reservatam fuisse ad faustissima tēpora, vt ipsa quæ Christianorum , & in ijs sanguine & affinitate sibi iunctorum , tot funera spectauerat , præmio inuictæ constantiæ , sceptris Romani Imperij regendis , admotum spectare posset parente Christiana, suæ gentis Illyricæ Principem Cōstantinum, qui paulò post calcata gentilium impietate , Christianæ libertatis vindex, & Ecclesiasticæ maiestatis assertor , felicissimorumq; sæculorum instaurator esset futurus . at quo certo anno ad æternitatis præmia euolauerit , omnino est incōpertum . quicquid dicat Petrus de Natalibus . hoc certum post mariti Imperium , multo gloriosius illā de impia eius superstitione , quam illum de tot denictis gentibus triumphasse , ac proindè tranquilliorē , quietem assecutam . extat dies anniuersaria ipsius, tabulis Ecclesiasticis adscripta , sequenti luce , qua immortalium Reginam ad immortalitatis thronum euectam , Christianus Orbis vniuersali letatur applausu , decimo septimo nimirum Kalendis Septembris , vt iure meritò huic

loco quadret Regij Vatis oraculum. Adducentur Regi virgines posteam: Proximæ eius afferentur tibi.

Claudit agmen triumphalis currus, ipsamq; Valerij triumphi pompam, ætate Valerij omnibus, ordineq; postrema, liliorum candore, & rosarum suauitate, immarcescibili corona redimita, digna omninò cuius eximia virtute nobilitas hætenus in Orbe Christiano nullatenus visa, concludatur, Arthemina Diocletiano Augusto Serenæq; Augusta prognata. eam adolescentulam cum preces & lachrymæ piæ parentis, vnicæ filiæ saluti inhiantis, paternæ impietati, & sororiæ conditioni infelicissimæ subtrahere conarentur, humani generis hostis antiquus, maternorum viscerum pietatem elusus, virginem inuasus corpusculum, furialiq; præsidio circumseptum, vindicat sibi, paulò post Deo dicandum relicturus. inopinatæ rei casu Diocletianus horrendum in modum perterritus, aliquandiù præ nimio mœrore ipso cibo, tota die abstinuit. at cum nullum finem faceret inquirendi remedia, quibus filiam saluti pristinæ restitueret, contigit vt eo prorsus tempore, inter Christianos quos Maximianus Herculius ex Africa rediens, vt habet acta Marcelli Papæ, ædificio Thermarum Romanarum, Diocletiano nomini dicandarum damnauerat, Cyriacus Romanæ Ecclesiæ Diaconus, cum Largo, & Smaragdo, pietate haberentur insignes; quippè qui facultatibus sibi à Thrasone admodum pio viro, & opum Maximi tribuni suè Comitæ, secreto dispensatore, vt dictum est, attributis, laborantium Christianorum in Thermis, inopiam & inedia subleuabant; cuius rei causa carceribus mancipati, iam pridem longa detinebantur custodia; ad quos

brevi

breui tempore cepit fieri concursus ingens Christianorum quocunque morbo oppressorum, præsertim verò ad Cyriacum, diuina ope ægritudines eorum curantem. quadam ergo die dum tartarea lucēs puellare corpus quod infederat, insuetis cruciatibus affligeret, idq; Diocletiano nunciatum esset, accessit pater ad filię cubiculum, infelicitatis eiusdem conditionem miseratus. quo præsentē tartareus Satanæ satelles per os puellæ cepit clamitare: se ex illo corpore nunquam egressurum, nisi veniret Cyriacus Diaconus. eum igitur iussu Imperatoris conquisitum, & è carceribus eductum, rogat Diocletianus ipse vt ad Arthemiam opem laturus accedat, ad quam cum intrasset, hisce verbis Dæmonem affatus est: In nomine Domini Iesu Christi Crucifixi exi, vt vas mundum efficiatur superuenienti Spiritui sancto hæc puella. ipsi verò: Crede, inquit, filia, crede in Deum Patrem omnipotentem, & in Iesum Christum Filium eius vnicum Dominum nostrum. ad hæc illa magnis vocibus exclamat Dæmone impellente: O Cyriace si hinc me eijcis, ego te in Perfidem vsque compellam. porrò Cyriacus magis perfidiæ colubrum vrgens, easdem voces ingeminat: In nomine Domini nostri Iesu Christi exi: quibus exire compulsus, Arthemia statim in eiusmodi voces prorupit: Per ipsum nomen te adiuro. O Cyriace vt me baptizes, quia videò procul Dominum, quem tu prædicas; & quia foris allusione Dæmonis humi strata iacebat, adnitentibus Largo, & Smaragdo Cyriaci socijs, eleuatur à terra; requieq; ei concessa eo die, sequenti luce ex Christiano instituto, Cyriacus puellam Christianam legem edocuit, mox allatam aquam cum ritè sacrasset, præsentē



Serena Augusta matre, illam lauacro Christiano. expiauit, maximo eiusdem matris gaudio. quæ ab eo die in posterum, iugiter expiatæ recentæ filiæ, illud repetebat, vt nimirum Christianam religionem amaret. Diocletianus insperata filiæ salute cognita, Cyriacum & socios omnimodæ libertati asseruit, signoq; grati animi, eidem de filia sua optimè merito, domum in Vrbe non longè à Valerijs ædibus assignatam donauit; multisq; alijs beneficijs in dies Serena Augusta pietatem Christianam promouente auxit. contigit Arthemiz salutare lauacrum, circa annum Imperij Diocletiani Principi decimum septimum. post triumphum Caij Pontificis aliorumq; eius domesticorum anno quarto. Christianæ verò fcllicitatis exortæ trecentessimum, fatali fcllicitate tertio sæculo concluso. ex quo tempore Arthemia in sinu, & sub educatione sanctissimæ matris tantum profecit, quantum vitæ eius gloriosa martyrij constantia præclarus exitus comprobauit. intereà temporis cum iam tertius annus post Augustalem Virginem saluti mentis æquè ac corporis restitutam ad finem accederet, adest nuntius à Persarum Rege Sapore, cum litteris ad Diocletianum quibus summo pere Imperatorem deprecabatur, vt Cyriacum Diaconum ad se in Persidem, pro cura filiæ lobiz à Dæmone cruciatæ transmitteret. Princeps verò cum eo tempore longè ab Vrbe abesset, Serenæ Augustæ Romæ cum filia agenti, negotium Cyriaci in Persidem pro voto Regis, & legatorum mittendi committit. illa significata voluntate mariti Cyriaco, in nomineq; Domini iter aggredientem, eundem cum socijs Largo & Smaragdo, naui, vehiculis, cæterisq; necessarijs rebus instructum Christiana libera-

litate,



litate, destinat ad Saporem. apud quem re feliciter succedente, breui inde Romam reuertitur. Quem Diocletianus redeuntem magno honore affectit. Serena vero cum filia ingenti alacritate in domibus eidem iam ab Imperatore donatis exceperit. nec multo post, duobus nempe mensibus expletis, Diocletianus vigesimum Imperij annum agens, cum summo quietis otijq; desiderio teneretur, ut plures scribunt idecircoq; iam pridem amplissimas ædes, omni Regia magnificentia, in Dalmatia, altero ferme milliario propè Salonas, secessui suo præparasset, nulla senectutis urgente molestia, regni habenas Nicomedia deposuit, inque privata vita ad latus natalis soli secessit. <sup>12</sup> Constat quippè eum, qui multis antea annis palatium quieti suæ ea maiestate, qua maxima ex parte nobilissimum terrarum Orbis ædificium ætate nostra <sup>13</sup> Spalatensi Vrbi mentia præstat admiranda, curauerat extrui, quietis desiderio, & illarum miseriarum quibus Principes irrecitri inuitabiliter, ipse conqueri dolereq; consueuerat declinandarum gratia, quod nullus Principum ad hanc diem est ausus, id perfecisse. scribit enim Flavius Vopiscus in Aureliano: patrem suum ab ipsomet Diocletiano audiuisse dolente: Nihil esse difficilius quam benè imperare, quatuor enim vel quinque colligi dicebat Diocletianus, qui vnum consilium ad decipiendum Imperatorem capiunt: dicunt quid probandum sit; Imperator qui domi clausus est, vera non nouit, cogitur hoc tantum scire quod illi loquuntur, facit Iudices quos fieri non oportet, amouet à Republica, quos debet retinere, quid multa aiebat ipse, bonus, cautus, optimus, venditur Imperator. hæc Diocletianus adhuc

priuatus teste Vopisco. vnde priuatæ vitæ desiderio eum  
 lagrasse minimè mirum, vtpotè qui vicennali Regni  
 patio, bonorum Principum vix alio quam eo quo ille  
 consilio, vitandum fuerat expertus infortunium, hinc  
 cum per decem annos integros rusticando summa vt-  
 umq; tranquillitate residuum vitæ transigeret, omni-  
 bus Imperij curis abdicatis, nec legationibus Prouincia-  
 rum, nec ipsius Romani Senatus, nec Collegæ qui cum  
 ipso regnum deposuerat, iteratis precibus sollicitatus, ad-  
 duci vnquam potuit vt Imperiũ resumendo, votis eorum  
 acquiesceret, illud subindè repetendo, se satis Reipublice in-  
 seruissè, & vt ait Póponius Lætus: Nolle se amplius venena-  
 ribere. Et tũc primũ sibi Soles affulxisse cũ in patria manu  
 sua olera comedenda sibi, serere cepisset. hinc iure merito  
 Orbis & Urbis felicitas S. D. N. Urbanus dũ ante summũ  
 Pontificatum rusticanis secessibus honestissimis indul-  
 gendo, iucundissima Musarum familiaritate oblectare-  
 tur; ad amicum quem rusticatum inuitabat, hæc de Dio-  
 cletiano, mellis suo carmine cecinit.

*Quem sæpè victis bestibus, inclyo  
 Romam triumpho, viderat inuehi,  
 Ostroq; præfulgentem, & auro,  
 Dalmaticis Dioclen, in Hortis;*

*Fastidientem mania Romuli,  
 Vidis, iuuenens Marcia Tybridis,  
 Mirata priuatum, superbos  
 Imperij posuisse fascos.*

Diocletiano, in otium sese recipienti, sicuti & Maximiano Collegæ, adoptati pridem Cæsares & successores, ab illo Galerius Maximianus, ab hoc Constantius Chlorus Illyricorum indigenæ, ut Victor ait, libera imperandi authoritate, sed magna morum diuersitate succedunt. quantum enim Constantius erga omnes benignum sese ac humanum exhibuit Principē, tantum Galerius, Christianis insensus in primis, sanguinarium se contra illos per omnia gessit, ut nec ab vnica Diocletiani filia Arthemie sanguine, viuentē Diocletiano patre manus abstinere voluerit. præcipua deserviendi in Virginem illi causa fuisse videtur, quod nullo modo ferrē posset Christianam pietatem studio Cyriaci Diaconi, per libertatem ut dictū est à Diocletiano eidem concessā, & Arthemie Virginis Augustalis generis exemplo, dilatarī, atque illustrari. propterea enim ut narratur in actis Marcelli, Maximianus Augustus præcipit, ut Christiani vbicunque fuissent punirentur, & zelo ductus propter sororem suam Arthemiam, misit ac tenuit Cyriacum Diaconū. ita ibi. primò itaq; illum post diros cruciatus, cum quibusdam alijs morte mulctauit, mox ipsam quoque Arthemiam, non multo antè sanctissimæ parentis Serenæ patrocinio orbatam, cum nullatenus à Christiana pietate colenda posset abducere, ingratus frater, capite truncatam, cælo, terrisq; reddidit illustrissimam. at eiusmodi immanitas breui tempore, magno illi stetit. eas enim penas, ab Eusebio fusè descriptas totius Orbis admiratione, ab irato Deo in corpus eius immittas, persoluit, quibus volens nolens, damnatam à se, & omni saueritate exagitam Christianam religionem, lege lata publicè approbauerit,

celerisq; sui atrocitate detestata, vitam & regnum mis-  
erandum in modum amiserit. ut Christianam gloriā,  
quam trecentorum annorum spatio Ethnicorum Prin-  
cipum violenta conculcare, & excindere frustra studue-  
rat authoritas, Arthemiz sanguis tanquam alterius in-  
nocentis Abelis vocem ad Deum emittens, ex ipsius Ty-  
rannicæ impietatis ore, legibus publicis approbatam, ex-  
orserit: comprobata veritate diuini illius oraculi, Nul-  
lum esse consilium, nullam sapientiam contra Dominū.  
Arthemiz corpus Marcellus Pontifex, & Lucina pictatis  
neclytæ femina, iuxta Susanam reliquias condiderunt.  
Unde multo post tempore, ad Ecclesiam Sancti Syluestri  
in Campo Martio, à Dionysio Primo Pontifice, ut fertur  
conditam, à Paulo I. auctam, translatum, ibidem hæcenus  
requiescit, contigit Arthemiz triumphus circa extrema  
Marcelli Papæ tempora, octauo fortè anno suprâ trecen-  
tesimum instauratæ salutis annum, feritate Galerij, con-  
tra Christianos, eosq; suæ gentis, exercitæ nobilem, ac  
proinde Illyricæ Ecclesiæ clarum in paucis: eo enim de-  
currente, præter Arthemiam, præstantissimos Præfules  
proprio sanguine purpuratos, tanquam Valerij triumpho  
assecclas, Quirinum Sciscie, Felicem Salonarum, Iteneum  
Sirmij, Principū Urbium totius Illyrici; necnon nobilissi-  
mos Christi milites Vrsicium, & Alexandrū, Monasticæq;  
vitæ & professionis in Orbe Christiano<sup>24</sup> authorem,  
& parentem Sirenum, saluente Galerio, cælo dederunt  
Illyrici. Dies natalis Virginis, idem cum anniuersaria  
memoria Cyriaci Diaconi & sociorū, sexto idus Augusti  
recensetur, cum re vera, decima septima die Kalendarum  
Aprilis, mortalitatem immortalitate, commutarint.

SCALIPAPAE  
EPISTOLA  
AD FELICEM EPISCOPVM

*De accusatoribus. De Diuinitate, ac vera Humanitate Christi.  
De ordinatione Episcoporum, ac diuisione magnarum  
Vrbium in regiones. De Questionibus difficilio-  
ribus ad Sedem Apostolicam referendis.*

Dilectissimo Fratri Felici Caius.



IRECTAS ad nos tuæ charitati  
epistolas plenæ catholicæ inquisi-  
tionis solitudine grater accipi-  
mus, benedicentes Dómini nostræ  
clementiam, qui tales ab extremi  
mundi partibus dignatur suis ouib.  
bus providere pastores, per quos &  
pascuis valeant salutaribus abundare, & ab iniqui lupi rap-  
acitate seruari, vt insidias nequeant eius subreptioni  
incurrere. Vnde certum est, quia promissæ vos bea-  
titudinis gratia subsequatur, quando a vobis celestium  
perfectio doctrinarum tam votiuâ sciscitatione perquiri-  
tur. Scriptum est enim: Beati qui persecutantur testi-  
monia eius, & in toto corde exquisunt eum. Hoc ergo  
frater charissime, propositum tuæ consultationis tota-  
mente tractantes de te quoque prouenire confidimus, qu

regulam catholicæ fidei ijsdem studeas tenere vestigijs, quibus eam in Apostolica sede cognoscis esse fundatam. & quamvis sonus eorum toto Orbe diffusus, & vsque ad fines Orbis verba eorum dissentia, dilectionis tuæ corda Christo probauerunt esse fidelia, tamen si quid ex his in Ecclesia, quæ tuæ gubernationi, Domino auxiliante, commissa est, nec dum plena luce claruerit, ad eundem fontem, de quo illa salutaris manarat lympa, recurritis, id est, quod debita charitate sumus amplexi, quia fiducialiter de his, vnde obseruatiam esse dixistis ambiguam, nostra voluistis responsione firmari. Quapropter dilectionem tuam in Domino salutantes, de singulis, quid iuxta catholicam disciplinam teneat Apostolicæ sedis auctoritas, subiectis aliquibus etiam sanctarum capitulis regularum te credimus instruendum.

Primo quidem scias, Paganos, & hæreticos non posse Christianos accusare, aut vocem eis infamationis asserre.

Deinde: Nemo vnquam Episcopum apud Iudices seculares, aut alios Clericos accusare præsumat.

Et si quis Episcopus, Presbyter, aut Diaconus, vel quilibet Clerici apud Episcopos, (quia alibi non oportet à qualibet persona, quæ ritè recipienda est) fuerint accusati, quicūq; fuerint, siue ille fuerit sublimis vir honoris, siue alterius dignitatis, qui hoc genus illaudabilis intèrionis arripuerit, nouerit probationis documēta se debere inferre.

Si quis ergo circa huiusmodi personas non probanda detulerit, auctoritate huius sanctionis, intelligat, se iacturam infamiae sustinere, vt, damno pudoris, æstimationis dispendio, discat sibi alienæ verecundiæ inspicere insidiari saltem de cætero non licere.



Nam qualiter ad Concilium veniatur, aut qualiter de  
suis rebus expoliati, vel eiekti à sedibus proprijs, aut qui  
accusatores sint recipiendi, quiuè non sint, aut qualiter  
eiektis, & expoliatis sint omnia legibus redintegranda,  
quæ eis ablata sunt, & quia priusquam hoc factum fuerit,  
nullum crimen ei obijci poterit, & qualiter illis induciæ  
post integram restorationem anniuersariæ, vel sex men-  
sium indulgentiæ sint, & qualiter sua omnia licenter, &  
pacifice absque ullius graui impedimento disponere, &  
suarum amicorum, & ecclesiasticorum Patrum consilijis  
vti debeat, ab Apostolis, eorumque successoribus, ac no-  
stris prædecessoribus statutum esse putamus. Super his  
autem non reor amplius nunc fore disputandum, nisi si  
surrexerint talia, quæ adhuc non sunt manifesta. Si eo-  
rum autem statuta non habueritis, mittere fidelissimos  
Scriptores, qui hæc coram fidelibus testibus excipere, vo-  
bisq; reportare sub stipulatione valeant. Ceterum vt sa-  
tisfaciam consultis tuis de verbo incarnationis, & verita-  
tis, quicumque illi sint ita obsecati, & à lumine veritatis  
alieni, vt Verbi Dei à tempore incarnationis denegent  
veritatem, ostendant in quo sibi Christianum nomen  
vsurpent, & cum Evangelio veritatis, qua ratione con-  
cordent, si Beatæ Virginis partu, aut caro sine Deitate,  
aut Deitas est orta sine carne: sicut enim negari non  
potest Euangelista dicente: quod Verbum caro factum  
est, & habitauit in nobis, ita negari non potest beato Apo-  
stolo Paulo prædicante: Quod Deus erat in Christo mun-  
dum reconcilians sibi. Quæ autem reconciliatio posset  
esse, qua humano generi repropitiaretur Deus si hominis  
causam mediator Dei, hominumque non susciperet?



Qua verò ratione veritatem mediatoris impleteret, nisi qui in forma Dei æqualis est Patri, in forma serui participes esset & nostri, ut mortis vinculum vnius præuicatione contractum, vnius morte, qui solus morti nihil debuit, soluerentur? effusio enim iusti sanguinis Christi, tam fuit diues ad pretium, ut si vniuersitas captiuorum in redemptorem suum crederet nullum diaboli vincula retinerent. Quoniam, sicut Apostolus ait, vbi abundauit peccatum, superabundauit & gratia, & cum sub peccati præiudicio nati, potestatem acceperint ad iustitiam renascendi, validius factum est donum libertatis, quam debitum seruitutis. Quam itaque sibi in huius sacramenti præsidio spem relinquunt qui in Salvatore nostro negant humani corporis veritatem? dicant quo sacrificio sint reconciliati? dicant quo sanguine sint redempti. Quis est, ut ait Apostolus, qui tradidit semetipsum pro nobis oblationem, & hostiam Deo in odorem suauitatis? Aut quod vnquam sacrificium sacratius fuit, quam quod verus, & æternus Pontifex altari Crucis per immolationem suæ carnis imposuit? licet in conspectu Domini pretiosa iustorum mors fuit, nullius tamen insonitis occisio redemptio fuit mundi. Acceperunt iusti, non dederunt coronas. De fortitudine fidelium exempla nata sunt patientiæ, non dona iustitiæ. Singulares quippè in singulis mortes fuerunt, nec alterius quisquam debitum suo sine persoluit, cum Filius hominis vnus solus Dominus noster Iesus Christus, qui verè erat immaculatus, extiterit, in quo omnes crucifixi, omnes mortui, omnes sepulti, omnes etiam sunt suscitati. De quibus ipse dicebat: Cum exaltatus fuero à terra omnia traham ad me ipsum.

Fides enim iustificans impios, & creans iustos ad humanitatis retracta participium in illo acquirit salutem, in quo solo homo se inuenit innocentem, liberum habens per gratiam Dei de eius potentia gloriari, qui contra hostem humani generis in carnis nostræ humilitate congressus his victoriam suam tribuit, in quorum corpore triumphauit.

Licet ergo in vno Domino nostro Iesu Christo, vero Dei, & hominis filio verbi, & carnis vna persona sit, quæ inseparabiliter, atque indiuisè communes habeat actiones, intelligendæ tamen sunt ipsorum operum qualitates, & sinceræ fidei contemplatione cernendum est, ad quæ prouehatur humilitas carnis, & ad quæ inclinetur altitudo Deitatis, quid sit, quod caro sine Verbo non agit, & quid sit, quod Verbum sine carne non efficit. Sine Verbi enim potentia nec conciperet Virgo, nec pareret, & sine veritate carnis obuoluta pannis infantia non iaceret.

Sine Verbi potentia non adorarent Magi puerum, Stella indice declaratum: Sine veritate carnis non iuberetur transferri in Ægyptum puer, & ab Herodis persecutione subduci: Sine Verbi potentia non diceret vox Patris missa de cælo: Hic est Filius meus dilectus, in quo mihi complacui. Et sine veritate carnis non protestaretur Ioannes: Ecce agnus Dei, Ecce qui tollit peccata mundi. Sine Verbi potentia non fieret redintegratio debilium, & viuificatio mortuorum, & sine veritate carnis nec cibus ieiuno, nec somnus esset necessarius fatigato. Postremò sine Verbi potentia non se Dominus Patri profiteretur æqualem, & sine veritate carnis non idem dice-

ret, patrem se esse maiorem, cum catholica fides utrūque suscipiat, vtrumque defendat, quæ secundum confessionem B. Petri Apostoli vnum Christum Dei filium & hominem credit, & Verbum. Quamuis itaque ab illo initio, quo in utero Virginis Verbum caro factum est, nihil vnquam inter vtramque formam diuisionis extiterit, & per omnia incrementa corporea vnius personæ fuerint totius temporis actiones, ea ipsa tamen, vt ita dicam, quæ inseparabiliter facta sunt nulla permixtione confundimus, sed quid cuiusque formæ sit ex operum qualitate sentimus.

Dicant ergo isti hypocritæ, qui cæcis mētibus lumen nolunt recipere veritatis, in qua forma ligno Crucis Dominus maiestatis Christus affixus sit? quid iacuerit in sepulcro, & reuoluto lapide monumenti, quæ tertia die caro resurrexit, & in qua post resurrectionem suam non credentes quosdam Discipulos suos arguebat, & hæsitacionem cunctantium confutabat, cum diceret: Palpate, & videte, quia spiritus carnem, & ossa non habet sicut me videris habere. Et Apostolo Thomæ: Infer manum tuam in latus meum, & vide manus meas, & pedes, & noli esse incredulus, sed fidelis. Qua vtrique manifestatione corporis sui iam hæreticorum mendacia destruebat, vt vniuersa Ecclesia Christi, innouanda doctrinis, hoc sibi non dubitaret credendum, quod Apostoli susceperant prædicandum. At si in tanta luce veritatis tenebras suas hæretica obduratio non relinquit, ostendant vbi spem vitæ sibi polliceantur æternæ, ad quam nisi per mediatorem Dei, & hominum hominem Iesum Christum non potest perueniri. Sicut enim ait Beatus Petrus

Apostolus: Non est aliud nomen datum hominibus sub  
cælo, in quo oporteat eos saluos fieri, nec est redemptio  
captiuitatis humanæ, nisi in sanguine eius, qui dedit se-  
metipsum redemptionem pro omnibus; & qui, sicut  
prædicat Apostolus, cum in forma Dei esset, non rapi-  
nam arbitratus est, esse se æqualem Deo, sed semetipsum  
exinaniuit formam serui accipiens in similitudinem ho-  
minum factus, & habitu inuentus vt homo, humiliavit  
semetipsum factus obediens Patri vsque ad mortem, mor-  
tem autem crucis, propter quod & Deus exaltauit illum,  
& donauit illi nomen, quod est super omne nomen, vt  
in nomine Iesu omne genuflectatur, cælestium, terre-  
strium, & infernorum, & omnis lingua confiteatur, quia  
Dominus Iesus Christus in gloria est Dei Patris. Cum  
ergo vnus sit Dominus Iesus Christus, & veræ Deitatis,  
& veræ Humanitatis in ipso vna prorsus eademq; perso-  
na sit, exaltationem tamen, qua illum, sicut Doctor gen-  
tium dixit, Exaltauit Deus, & donauit illi nomen, quod  
est super omne nomen, ad eam intelligimus pertinere  
formā, quæ ditanda erat tantæ glorificationis augmento.  
In forma quippè Dei æqualis erat filius Patri, & inter ge-  
nitorem, atque vnigenitum nulla erat in essentia discre-  
tio, nulla in maiestate diuersitas, nec per Incarnationis  
mysterium aliquid decesserat Verbo, quod ei patris mu-  
nere redderetur. Forma autem serui, per quam impas-  
sibilis Deitas sacramentum magnæ pietatis impleuit hu-  
mana humilitas est, quæ in gloriam Diuinæ potestatis  
euecta est in tantam vnitatem ab ipso conceptu Virginis  
Deitatis & Humanitatis conferta, vt nec sine homine,  
Diuina; nec sine Deo agerentur humana. Propter quod,

sicut Dominus maiestatis dicitur Crucifixus, ita qui ex sempiternitate æqualis est Deo; dicitur exaltatus, quia inseparabiliter manente vnitate personæ, vnus, atque idem est, & totus hominis filius propter carnem, & totus Dei filius propter vnā cum Patre Deitatem. Quidquid ergo in tempore accepit Christus secundum hominem accepit, cui, quæ non habuit, conferrentur. Nam secundum potentiam Diuinitatis indifferenter omnia, quæ habet Pater, habet etiam filius, & quæ in forma serui à Patre accepit, eadem in forma Dei & ipse donauit. Secundum enim Dei formam ipse & Pater vnum sunt. Secundum formam autem serui non venit facere voluntatem suam, sed voluntatem eius qui misit eum. Secundum formam Dei sicut Pater habet vitam in semetipso, sic dedit; & filio vitam habere in semetipso. Secundum formam serui; tristis est anima mea vsque ad mortem. & idem ipse est, sicut Apostolus prædicat, diues, & pauper. Diues, quia Euangelista dicente; In principio erat Verbum, & Verbum erat apud Deum, & Deus erat Verbum, hoc erat in principio apud Deum, omnia per ipsum facta sunt, & sine ipso factum est nihil. Pauper. verò; Quia propter nos Verbum caro factum est, & habitauit in nobis. Quæ autem est exinanitio eius, quæuè paupertas, nisi formæ seruilis acceptio, per quam, Verbi maiestate velata, dispensatio humanæ redemptionis impleta est! Nam, quia captiuitatis nostræ resolui originalia vincula non poterant, nisi existeret homo nostri generis, nostræque naturæ, quem peccati præiudicia non tenerent, & qui immaculato sanguine suo chirographum lethale dilueret, sicut ab

initio erat diuinitus præordinatum, ita est in plenitudine temporis perfectum; vt multis modis significata promissio, in diu expectatum veniret effectum, nec posset esse ambiguum, quod continuis testificationibus semper fuerat nuntiatum. In magno autem sacrilegio se versari hæreticorum manifestat impietas, cum sub specie Diuinitatis honorandæ, humanæ carnis in Christo denegant veritatem, & religiosè existimant credi si dicatur, in Salvatore nostro verum non esse, quod saluat; cum ita secundum promissionem omnia secula præcurrentem mundus sit Deo reconciliatus in Christo, vt nisi verbum dignaretur caro fieri, nulla posset caro saluari. Omne enim sacramentum Christianæ fidei, vt hæretici volunt, magno decoloratur obscuro, si lux veritatis sub mendacio putatur latuisse phantasmatis. Non ergò quisque sibi erubescendum existimet Christianus de nostri in Christo corporis veritate, quia omnes Apostoli, Apostolorumq; discipuli, & præclari Ecclesiarum quique Doctores, qui ad martyrij coronam, vel ad confessionis meruerunt gloriam peruenire in huius fidei lumine splenduerunt, consonis vbiq; sententijs intonantes, quod in Domino Iesu Christo Deitatis, & carnis vna sit confitenda persona. Qua autem rationis similitudine, qua diuinorum voluminum portione hæretica impietas se existimat adiuuari, quæ veritatem negat corporis Christi, cum hanc non lex testificari, non propheta præcinere, non Euangelia docere, non ipse destiterit Christus ostendere? Quærant per omnem seriem scripturarum, quo tenebras suas fugiant, non quo verum lumen obscurent, & per omnia secula ita veritatem inueniant coruscantem, vt



magnum hoc, & mirabile sacramentum ab initio videāt creditum, quod est in fine completum. de quo cum sanctorum literarum nulla pars sileat, sufficit, quædam consona veritatis signa posuisse, quibus diligentia fidei insplendidiſſimam latitudinem dirigatur, & sinceræ intelligentiæ luce perspiciat, quod in filio Dei, qui se incessabiliter filium hominis, & hominem profitetur non sit Christianis erubescendū, sed constantissimè gloriādum, quoniam (sicut ait B. Apostolus) Magnum est pietatis sacramentum, quod manifestatū est in carne, iustificatum est in spiritu, apparuit Angelis, prædicatum est gentibus, creditum est mundo, assumptum est in gloria.

De Episcoporum verò, & Presbyterorum, Diaconorumq; & sequentium Clericorum Ordinationibus, Sanctos Apostolos, & successores eorum, & præcipuè Anacletū, & præterea alios sufficienter statuisse cognoscimus, & idcirco non est necesse nunc replicari, nisi quod illi nō statuerunt. Illud tamen nos statuentes vobis & omnibus servare mandamus, ut ad Ordines Ecclesiasticos sic ascendant in Ecclesia, qui ordinari merentur. id est; si quis Episcopus esse meretur, sit primò Ostiarius, deindè Lector, postea Exorcista, indè facretur Acolythus, demum verò Subdiaconus, deindè Diaconus, & postea Presbyter, & exindè si meretur Episcopus ordinetur.

Et regiones, sicut in hac Vrbe fecimus, per singulas Vrbes, quæ populosæ fuerunt, diuidantur.

Et quæcunque difficiles quæstiones per singulas Provincias exortæ fuerint, sēper ad Sedem Apostolicam referātur. Benè vale frater, & ora pro nobis. Dat. Kal. Martij, Diocletiano IV. & Constantino II. viris Clariss. Consulibus.



# NOTAE AD NOBILITATEM VALERIAM.



**D**E Domitio Probi Imperatoris fratre, eiusq; filijs Probo & Metrophane Bizantinis Episcopis subindè succedentibus, Nicephorus in Chronico Lib. 8. Cap. 6. hæc habet: Ad Domitium, inquit, Probi Imperatoris fratrem Episcopatum transmisit, atque hæc Probus filius successit, & Domitius antistitis honorem viginti quatuor, Probus duodecim annis gessit. cuius Metrophanes frater successor fuit, hic annis decem cum ingenti laude Episcopale ministerium cohonestavit, sub quo etiam Constantinus semper Augustus cognominem sibi Urbem mirifice condidit. ita ille. hinc omninò corrigendus mihi videtur. Flavius Vopiscus dum scribit, posteros Probi Imperatoris vel odio vel timore rem Romanam fugisse, & in Italia circa Veronam & Benacum lares posuisse, nam Domitium cum filijs quadraginta sex annorum spatio Bizantijs summis apud Christianos honoribus functos aperte constat, à quo Domitio Hadrinum Probi Imperatoris filium Nicomediz à Licinio martyrij corona auctum, quòd eum immanitatis in Christianos reprehendisset, Arginopoli fuisse sepultum, ex Ecclesia-

sticis tabulis habemus perspicuum, quod porrò Vopiscus rem Romanam fugisse imputat Probi posteros, indè hoc fit, quoniam Christiani indignissimæ sortis homines habebantur, ita apud Suetonium in Domitiano, Flavius Clemens eiusdem Domitiani patruelis, cum filijs in successionem Imperij adoptatis, Christianus cum iisdem detectus, inertissimæ vitæ accusatus, cum prole sublatus est. hac etiã ratione ut habemus in actis S. Susannæ, Gabininus Claudio fratri nomine Diocletiani Principis Susannam Galerio iungere satagenti; se humiles, indignos ait cognatos dici maiorum.

2. Caio Aurelio Valerio. hunc patrem fuisse Caij, patris Caij Pontificis, Valerij itidem. quo Diocletianus natus est, Marcus Marulus integritatis eximiæ, gravissimiq; iudicij Scriptor ex marmore, & archiuijs Salonitanę probat Ecclesiæ. cui accedit Anastasius, Luitprandus & Abbo. quare longè aberrant qui Diocletianum scribunt duos fratres habuisse, alterum eorum Maximinum dictum, ex eo quòd in actis S. Susannæ, Claudius appellat Gabinium filium Maximini famatissimi Senatoris & Exconsulis. cum vel ex eo quòd eundem Maximinum statim dicat consobrinum Augustorum, acta ibi corrupta detegantur, quid enim est consobrinus, quid frater, nulli est incompertum. adde, quod nullus Scriptorum unquam ne verbum quidem de fratribus Diocletiani fecerit. Diocletianumq; ipsum orbem filijs, minime Galerium, Constantiumq; nullo sibi sanguinis vinculo iunctos, successores in Imperio adoptaturum fuisse, numerosa prole nepotum quam ei ex duobus fratribus fingunt, extante, amor & ipsius in suos propensio, Susanna teste

suadet credere. Vndè porrò, & quis potuerit esse fictus hic Maximinus Exconsul & Senator, ingenuè me fateor ignorare, nisi fortè, Claudius Gabinium, & Caium, seq; simul, non filium, sed nepotem voluerit intelligere Maximini, quem Sextus Aurelius Victor Patrem Probi Imperatoris fuisse scribit, præsertim, cum eundem etiam Claudius patrum nominet: utcunque is error successerit stemma Valerium tale habemus.

## CAIVS AVRELIVS VALERIVS

VALERIVS

CAIVS

DIOCLETIANVS CAIVS GABINIVS CLAVDIVS MAXIMVS

SERENA,

PRAEPEDIONA

VALERIA ARTHEMIA SVSANNA ALEXANDER CVTHIA

Hoc stemmate nobilis Caius ad summum Reipublicæ Christianæ Principatum, virtutum gradu conscendit. Hoc Diocletianus, iamdudum ut scribit Nicephorus Callixtus Libri Quarti, Capite Trigésimo quarto, Senator, & Consulatu gesto clarus, quique plurima manu sua fecerat facinora, & bello strenuus, & consilio promptus habebatur, ab Exercitu renūciatur Imperator. hæc Nicephorus, contra eos qui nobilissimum Principem, libertini generis, & scribæ filium affirmare sunt ausi.

3 Salonis. Cum constans Scriptorum assertio Salonitanum Caium cum fratribus faciat, gratis ergò Antonius Gallonius, vir alioqui sacrarum historiarum industria

præclarus, Caium natione Dalmatâ, natiuitate Romanû fingit, in vita S. Susannæ, quam itidem eodẽ modo inter Romanas Virgines describit.

4 Primitiæ generis Augustalis. Tryphoniâ vxorẽ Decij Principis cû Cyrilla filia, primas extitisse quæ ex laribus, & sâguine Romanorû Imperatorû, Christi fidẽ amplexatæ, pro eadẽ tuenda, sanguinẽ ipsum quoq; alacriter fuderint, extra cõtrouersiâ est, cû nulla Augustalis soboles præter Quirinû Philippi filiû itidem Illyricû ad Decium vsque inter Christianos, nedû inter martyres agnoscat, vt gens Illyrica sicuti Irenẽ Regiâ Thracû stirpẽ Virginẽ, feminei sexus Prothomartyrẽ, cuius vitâ egregio labore illustrauit. nuper Antonius Beatus ex Soc Iesu, ita & in Imperatorio stẽmate primos martyres, vtpotẽ prima ex gentibus aggregata Christo, iure meritò Martyrum Regi & Principi, Christo, obtulerit.

5 Aurelianus. huius Principis integritatem moralem non solum indulta ad fauorem supremæ authoritatis Romani Pontificis, quem sub nomine Urbis. Romæ Episcoporum homo ethnicus intelligit, commendant, verûm plura alia toto Imperij sui spatio actitata. inter alia, quod vnicum sororis filium, orbus ipse filijs, quia hospitris vxori vim intulerat, publico affecit supplicio. extat mentis eius equissimæ nobilissimus index apud Vopiscum Epistola ad Vicarium suum, antequam imperaret data, quam sicuti Cardinalis Baronius non est dedignatus Ecclesiasticis Annalibus inserere, ego inter notas Valeriæ nobilitatis, Principis Valerij nominis, fortè affinitate, eiusdem gentis, vri & nationis eiusdem, referre non graabor. tanquam decus Valeriæ nobilitatis eximium.

Si vis esse Tribunus, immo si vis vivere, manus militum contine. nemo pullum alienum rapiat, ouem nemo contingat, vuam nullus auferat, segetem nemo deterat, oleum, sal, lignum, nemo exigat, annona sua contentus sit, de præda hostis, non de lachrymis prouintialium habeat, arma tersa sint, ferramenta famiata, calceamenta fortia, vestis noua vestem veterem excludat, stipendium in baltheo non in popina habeat, torquem brachialem & anulum apponat, Equum saginarium suum defricet, captum animal non vendat, mulum centuriatum comiter curet, alter alteri quasi seruus obsequatur, à Medicis gratis curentur, Haruspibus nihil dent, in hospitij caste se agant, qui licem fecerit vapulet. hæc ille.

6 Cum Numerianus Princeps patri Caro per similis in omnibus paucorum dierum spatio Romano præfuerit Imperio, & nihilominus plurimi martyres sub illo passi legantur omnibus ferme anni mensibus, facile quicumque triennio quo bellum inter eius fratrem & Diocletianum ab eius obitu arsit, pro Christo decertarunt, illius Imperio adscribuntur, ex eo quod ille Antiochiæ Babilam Episcopum martyrio affecisset.

7 Murgum. alij Murrium, quidam Margum, & Murforum Ciuitatem appellant. præfuit ei sub Constantio Constantini filio. Valens Episcopus Arrianorum antesignanus. progressu temporis in speciem vici, Mohacz incolis appellatum est, inter Drauū in Danubium influentem, ipsumq; Danubij alueum situm, capo cladibus humani generis satis funestum, hic enim post Carinum, à Constantino Licinius, à Constantio Magnentius, à Theodosio Eugenius ingenti clade Tyranni sunt profligati; & auo.

rum memoria infelici casu Ludouicus Rex Vngariæ cæsus.

8 Felicem faciliè credidissem eum, qui tunc temporis Salonitanæ Ecclesiæ præerat, postmodum à Galerio Maximiano martyrio coronatum, nisi eodem tempore haberemus Felicem in Africa Episcopum Tubrocentem, seu Thibariensem, quem Baronius emendatius Tibirentem legendum putat, nono Kalendis Nouembris martyrem, Diocletiano decies & Maximiano Consulibus. qua in Prouincia tanquam monstris hæreseos fecundissima, credibile est impia illa contra Christi Humanitatem opinione exoriente, Caium ad Felicem scripsisse, potius quàm ad Felicem in Dalmatia; quæ regio (vt ex Epistolis Roman. Pont. est colligere) singulari diuinæ benignitatis auxilio, ab ipso Christianæ fidei exordio, ad præsentem vsque diem, nulla hæretica suspicione laborauit. quod etiam ex ipsius Epistolæ verbis potest colligi, quibus mentio fit extremarum mundi partium, quæ benè per Africam extremam Romani Imperij marginem possunt accipi.

9 Claudium cum Maximo, fratrem fuisse Caij, & Gabini non vno, sed pluribus locis in ipsis actis S. Susannæ tam apud Surium, quàm Mombrinium est videre. quod Beda in Martyrologio clarissimis verbis expressit dum ait: Eadem die duodecimo, nempe Kal. Martij, Sanctorum Martyrum Claudij, & vxoris eius Præpedignæ, & filiorum Alexandri, & Cuthiæ, & fratris Claudij beati Maximi, qui cum essent præclarissimi generis, agente fratre eorum Gabinio Presbytero, baptizati sunt à B. Gaio Pontifice.

10 Illyricos: præter ea quæ in nostro de Cæsaribus Il-



lyricis Dialogo olim notauimus, Sextus Aurelius Victor dum de adoptatis per Diocletianum & Maximianum, Galerio, & Constantio. meminit, His, ait, omnibus sanè Illyricum patria fuit. qui memores beneficij à Valerio sanguine accepti, Valerij quoque cognominari voluerunt, cum posteris; quare Constantij filius Constantinus, cognomen hoc suis addidit nominibus. cum Aurelio. hinc Baronius huiuscemodo Epygramma ex ædibus Cæsij Annalibus inseruit.

MAGNO ET INVICTO

IMP. .CÆS. C. VAL. AVREL.

CONSTANTINO. PIO. FEL.

INVICTO AVG. PONTIF. MAX.

TRIB. POTEST. CONS. III. PP.

PROC. D. N. CORPVS CORIARORVM

DEVOTI NVMINI MAIESTATIQ;

EIVS.

11 Ex collatione actorum dictorum Sanctorum martyrum Viti, & Modesti, & temporis quo Diocletianus Imperium deposuit prudens Lector facilè poterit ferre sententiam de ijs, quæ in hanc rem breuiter attigimus.

12 Hac occasione operæ præciū ostēdisse ducimus, Romanos Principes Romanarū legū statutis, & maiorū exēplo, Christianæ pietati insultasse. & quoad exēplum, vt ab eo incipiamus, constat ab ipso exordio propalatae reli-



gionis nostræ, Romanos Principes Christiani fuisse infestos. ita ex Suetonio colligit Baronius, quinquagesimo primo anno primi sæculi Christiani, nomine Iudeorum pulsos fuisse Roma Christianos, à Claudio Principe. hunc qui secutus est Domitius Nero, adeò in Christianos exarsit, ut etiam apud Ethnicos authores, Tacitum videlicet & Suetonium, nimia & iniuriosa in Christianos inhumanitas eius appareat. post Neronem adeò nullus à Christianis insectandis destitit, ut quem omnium Principum optimum Romani censuere, Traianus, licet per Plinium edoctus, quanta iniuria Christianos innocentissimæ vitæ homines, ad mortem usque vexaret, toto tamen tempore sui Imperij acerbissimus in eos extiterit. ut mirum non sit, si cuius virtutes solemnibus acclamationibus, ac publicis votis in auguratione sequentium Principum, Romanus imprecabatur populus, eiusdem quoque solertiam in persequendis Christianis, ipsi Principes imitarentur. vnde etiam ipse M. Aurelius Antoninus, Philosophiæ nomine, & singulari modestia celebratus, post Apologias pro Christiana religione acceptas, post victorias maximi momenti Christianorum precibus obtentas, post leges pro ipsis latas, morti proximus illos vexare non omisit; ut patet ex Annalibus Ecclesiasticis. Quoad autem leges maiorum, adest Cicero Libro Secundo de Legibus, apud quem extat sanctio duodecim tabulis constituta: Separatim nemo habessit Deos, neue novos, sed ne aduenas nisi publicè adscitos, priuatim colunt. Huius legis tenacissimus Mæcenat (ut author est Dio. Lib. 52.) non tantum Deos peregrinos in Urbem, verum etiam externos homines alienæ religionis cultores,

res, ad Romanorum Deorum cultum, diris etiam supplicijs adigendos, Augusto persuasit; eam potissimum rationem prætexens, ut securitati Reipublicæ consultum esset. vnde nec ipsis Imperatoribus liberum erat absque Senatus consulto, Deos in Urbem adsciscere alienos, ut de Tiberio testatur Tertullianus in Apologia. quibus legibus atque consuetudinibus, cum alias atque alias complures Principes addidissent sanctiones, exemplo suo roboratas; citra penam sacrilegij in Christianos non sœuire, non poterant Imperatores. Causa qua Christiani omni infestatione digni censebantur Romanis, ea erat, quod omnium scelerum rei, tam in Deos, quam in homines habebantur. Hinc Athenagoras Atheniensis Philosophus, Apologia pro Christianis Imperatoribus. M. Aurelio Antonio, & Aurelio Commodio oblata; Trium, inquit, flagitiorum infamis rumor de nobis spargitur, Impietas quæ Deos tollat, Epulæ Thiestheæ, Concubitus incesti. ita ille. Minutius verò Felix in Octauio, nomine Cæcilij Ethnici Christianam religionem, sed iniuste carpentis hæc ait: Cum Abderitem Protagoram Athenienses viri, consultè potius quam profanè disputantem, & expulerint suis finibus, & in concione scripta eius deriserint, quid homines (sustinebitis enim me impetum susceptæ actionis liberiùs exerentem) homines inquam deploratæ, illicitæq; ac desperatæ factionis, grassari in Deos, non ingemiscendum est, qui de vltima fœce collectis imperitioribus, & mulieribus credulis, sexus sui facilitate labentibus, plebè profanæ coniurationis instituunt, quæ nocturnis congregationibus, & ieiunijs solemnibus, & inhumanis cibis, non sacro quodam, sed piaculo fêde-

rantur; latebrosa & lucifugax natio, in publico muta, in angulis garrula, Tempia vt busta despiciunt, Deos despuunt, rident sacra, miserentur miseri, si fas est, Sacerdotum honores & purpuras despiciunt ipsi seminudi. proh mira stultitia, & incredibilis audacia, spernunt tormenta presentia, dum incerta metuunt, & futura; & dum mori post mortem timent; ita illis paor & fallax spes solatio rediuiuo blanditur. ac iam vt secundius nequiora proueniunt, serpentibus in dies perditis moribus per vniuersum Orbem, sacraria ista teterrima impiæ coitionis adulescunt. eruenda prorsus hæc & execranda consensio. occultis se notis, & insignibus noscunt, & amant mutuo penè antequam nouerint; passim etiam inter eos velut quædam libidinum religio miscetur; ac se promisceuè appellant fratres & sorores. vt etiam non insolens stuprum intercessione sacri nominis fiat incertum. ita eorum vana & demens superstitio sceleribus gloriatur. nec de ipsis nisi subsisteret veritas, maxima & varia, & honore præfanda, sagax fama loqueretur. audio eos turpissimè pecudis caput Asini consecratum, inepta nescio qua persuasione venerari. digna & nata religio talibus moribus. alij eos ferunt ipsius Antistitis & Sacerdotis colere genitalia, & quasi parentis sui adorare naturam. nescio an fallax, certè occultis nocturnis sacris apposita suspicio; & hominem summo supplicio pro facinore punitum, & Crucis ligna feralia, eorum cæremonias fabulatur, congruentia perditis sceleratisq; tribuit altaria; vt id colant quod merentur. iam de initiatis tyrunculis, fabula tam detestanda, quàm nota est: infans farre contextus, vt decipiat incautos, apponitur ei qui sacris imbuitur; is infans

à tyrunculo farris superficie, quasi ad innoxios ictus prouocato, cecis occultisq; vulneribus occiditur. huius profanes sitienter sanguinem lambunt. huius certatim membra disperciunt; hac sederantur hostia; hac conscientia sceleris ad silentium mutuum pignerantur, hæc sacra sacrilegijs omnibus deteriora. & de conuiuio notum est, passim omnes loquuntur; id etiam Cirtensis nostri testantur oratio. ad epulas solemini die cœunt, cum omnibus liberis, sororibus, matribus, sexus omnis homines, & omnis homines, & omnis ætatis; illic post multas epulas, ubi conuiuium caluit, & incestæ libidinis ebrietate feruor exarsit, Canis qui candelabro nexus est, iactu affulæ, ultra spatium lineæ qua vinctus est, ad impetum, & saltum prouocatur; sic euerso & extincto conscio lumine, impudentibus tenebris, nexus infandæ cupiditas inuoluunt per incertum fortis; etsi non omnes opera, conscientia tamen pariter incesti; quoniam voto vniuersorum appetitur, quicquid accidere potest in actu singulorum. hæc & alia plura Minutius. adde quod calamitates omnes solitas Romanis contingere, Christianorum flagitijs prouocari credebant. ita Arnobius initio suæ disputationis: Quoniam, inquit, comperi nonnullos qui se plurimum sapere suis persuasionibus credunt, & insanire, bacari, & velut quiddam promptum ex oraculo dicere: postquam esse in mundo Christiana gens cepit, terrarum Orbem perijisse, multiformibus malis affectum esse genus humanum, ipsos etiam cœlites derelictis curis solemnibus quibus quondam solebant inuisere res nostras, terrarum ab regionibus exterminatos. hæc ille: Tertullianus item in Apologia Cap. 2. Christianum, inquit, hominem, om-

nium scelerum reum, Deorum, Imperatorum, legum,  
 morum, naturæ totius inimicum existimas. ob idq; tra-  
 dit habitos eos hostes publicos. Quos inquit, existiment  
 omnis publicè cladis, omnis popularis incommodi esse  
 causa mihi; si Tiberis ascendit, si Nilus non ascendit in arida  
 si ærum stetit, si terra mouit, si fames, si dolores, statim  
 Christianos ad Leonem. ita ille huc accedebat quòd  
 quicquid magicis sceleribus Caldæus, superstitionis adiu-  
 uentis Ægyptius, flagitiosis imposturis Iudæus, impie-  
 tate morum Hæretici per ea tempora monstruossissima  
 fecunditate emergentes, effinxissent, somniascent, ausi  
 essent, perpetrassent, id totum nulla distinctione habita,  
 Christianis imputabatur: cuius rei iudicium, quæ ratio-  
 ne nimirum Romani eiusmodi hominum fecem no-  
 mine Christianorum comprehenderent, habemus Epi-  
 stola Hadriani Augusti, Principis aliqui accuratissi-  
 mi, & vel minutissimarum rerum obseruantissimi inda-  
 gatoris, quippe qui curiositatis gratia Romanum Orbem  
 peragrat, in Christianis tamen rebus dignoscendis co-  
 muni ethnicorum more exequientis: ea est apud Vopi-  
 seum in Sturnino ciuidonaria. in edebat in edonaria  
 itulq; si sup. in edonaria in edonaria in edonaria in edonaria  
 HADRIANVS AVG. SERVIANO QVSS. SALVTEM.

**A**gyptum quam mihi laudabas Seruianæ carissime,  
 totam didici leuem, pendulam, & ad omnia fatigæ  
 momenta volitante[m] illi qui Serapim colunt Christiani  
 sunt, & deuoti sunt Serapi, qui se Christi Episcopos di-  
 cunt: nemo illic Architynagogus Iudæorum, nemo Sa-  
 marites, nemo Christianorum Presbyter, non Mache-

maticus, non Aculpex, non Alipres si ipse ille Patriarcha  
 cum Ægyptum venerit, ab alijs Serapidem adorare, ab  
 alijs cogitur Christum, genus hominū, seditiosissimum  
 vanissimum, iniuriosissimum. & post postea: Vnus ille  
 Deus est, hunc Christiani, hunc Iudai, hunc omnes yd-  
 nerantur. hæc Hadrianus. ac quàm ab impuro Serapide  
 colendo, ceterisq; idololatriæ figmentis Christiana reli-  
 gio abfuerit, nulli dubium est. dum igitur Romani Prin-  
 cipes in Christianos insurgabant, non tanquam in solida  
 virtutis amatores, ut potè tanti boni penitus ignari,  
 quamq; humano studio, sine favorabili superni lumine  
 splendoris assequi sit impossibile, & quæ non currentis  
 neque volentis, sed Dei, Paulo teste, misericordis, præroga-  
 tiua conceditur, verum tanquam in flagitiosissimum ge-  
 nus hominum, Diu iuissum, Reipublicæ perniciosum,  
 ipsisq; Principibus formidandum, sceleratissimisq; vitiis-  
 cibus, alternæ aminatione, urgente antiquitatis exemplo,  
 lege sacro, irrebant: ac sub Diocletiano Principe, ijs  
 omnibus accobis, id quod ex Eusebio, teste, ut aiunt deu-  
 lato, coarctatum tempore viuente, & omnia videntè,  
 reuolimus: (et) de eundem origi-  
 ne Spalatensis Urbis ex Palatio Diocletiani nomen sor-  
 titi, sicuti locum & mētas, à Palatio enim primum Spa-  
 letium, diutius est appellata, demum Spalati nomen ob-  
 cinunt colit autem cepit & Ciuibus repleri ab eo tempore,  
 quo Mauritio & Hetraclio imperantibus, Anares Salonas  
 Dalmatiae emporium, amplissimamq; totius regionis  
 Urbem euerterunt. profugi enim Ciues cum priuēse-  
 cum familia in proximās idulas recepissent, mox miti-  
 gatis Barbaris, tributisq; pactis delinxis, ut habet Tho-



mas Spalatenfis antè 400. annos Archidiaconus, ad munitiona loca mari proximiora, lares retulerunt; Seueroque Episcopo authore, Palatium Diocletiani quadratis marmoribus structum, altissimisq; turribus ex eodem candido marmore circumdatum, barbaris Salonas euerfas terrore magis quam incolatu tenentibus, Urbis loco coluerunt. cuius ambitum cum progressu temporis angustius Ciuibus seruandis animaduertissent, parte Palatij Occidentalis demollita, noua mœnia antiquis addiderunt. extant ad hodiernam diem tres partes murorum Palatij, mira maiestate insigniq; artificio, sicuti & templum integrũ à Diocletiano Ioui, iam verò, Deo viuo, eiusq; Martyri Domnio Salonitanis olim ab Apostolorum Principe, antistiti assignatũ, cum metropolitice honoribus dicato, cum plurimis alijs Diocletianæ magnificentie argumentis, omninò visendæ. quæ quoniam Antonius Proculianus vir inter nostrates eximij ingenij, Oratione ad Spalatenfes habita, exacta diligentia descripta publicauit, ommitto. incoluit post Diocletianum idem Palatium, ex Romanis Principibus post centum, & ultra annos, Romano fastigio deturbatus ab Oreste Patritio, Augustulum filium, fatali interitu Augustorum substituente, Iulius Nepos, ubi & ad vltimum vitæ spatium, propè Glicerium, quem idem ex Imperatore Romano ad Episcopatum Salonitanum, post Principatum nec annum, compulerat, miro rerum humanarum instabilitatis, & charitatis Christianæ ab eodem Glicerio Episcopo, erga suum olim deturbatorem humanissimæ exhibitæ exemplo. Huius Urbis Palatio Diocletiano succedentis, cum antè quinquaginta annos vna ex Turri-



bus austrum spectantibus, repentino casu, reliquis integris, corruisset, intra latissimi muri hiatum inuectum est sarcophagum porphyreticum antiquę artis, litteris Diocletiani nomen vnicum exprimentibus insculptum. quatuor in angulis, lucernis testaceis elegantissimè fictis extantibus. in medio sarcophago urna parij marmoris cineres continebat, basis eius circūlubatur liquore quodam fragrantiz incredibilis, exigue admodum quantitatis, iamq; spissa densitate coagulato, vt magis vnguentum quam liquorem præferret. cui supernatabat frustulum orbiculare cranij humani, in speciem numismatis amplioris efformatum, altera parte effigiem hominis, ad medium pectus loricati, cum ingenti calside militari in capite, promissa barba, raro sanè & insolito æquè ac elegantissimo suprà quam credi possit opere, celatam exhibens. quam cum numismatibus Diocletiani collatam, omninò Principis ipsiusmet imaginem, in eiusdē capitis fortè cranio sculptam creditum est, sitantū barba Romano more restringatur, quam Diocletianū post depositum Imperium, priuatam vitam inter suos nationales agentem patrio more promissam gestare voluisse coniectatur. tam vt antiquitatis gemam. S. D. N. Urbano VIII. antiquarum virtutum obseruantissimo, nuper obtulisti verò beneuole Lector, illius exemplar, Valerię nobilitatis breuiter explicatę coronidem, tuę benignissimę patiētę in illa cognoscēda munusculū spectādā propono. Addo & Diocletiani faciem qualis fuit antè priuatam vitam, dum nimirum Imperator, Romano more barbam compefcuit, ex multis numismatibus, eiusdē Principis, apud me ex diuersis terrarum partibus redactis, & ami-

corum gratia hac in parte in me propensissimis præfer-  
tim verò D. Ludovico Companio Ciue Romano, &  
D. Claudio Burgundo de antiquitate optimè meritis  
ut ex collatione vtriusque Diocletianum cranium, &  
imaginem agnoscas.



Omittere denique nullatenus debet, quæ Petrus Damia-  
nus Romanæ sacræ purpuræ perennæ decus, & post sum-  
mas in Ecclesia dignitates Pijætiæ, & secessus amator  
non est; de eodem Principe in Epistola ad Cadaldum  
scribit Antipapam inter alia: Planè, inquit, Diocletianus  
imperator Régalis fastigij insigne deposuit, & non pro-  
cul à Salonis per nouem ferrè annos ad obitum priuatus;  
in amœna viréntis hortuli cultura permansit, quicquid ab  
Herculeo atque Galerio ad recipiendum obnixè rogare-  
tur Imperium, tanquam pestem aliquam perhorretens;  
hoc fertur dedisse responsum: Vtinam Salonæ possetis  
olera visere nostris manibus instigata, profectò nunquam  
iudicaretis hanc sarcinam nostris iterum: ceruicibus im-  
ponendam. hæc ille.

14 Sirenum authorem monasticæ vitæ satis constat ex eo quòd tabulæ Ecclesiasticæ ad 23. diem Februari eundem Monachum appellant sub Maximiano Galerio martyrem. quo tempore certum est disciplinam Monasticam in Orbe Christiano fuisse incognitâ vnico Paulo Eremita solitudinem Ægypti incolente, Antonius enim magnus Monasticæ vitæ institutor, sub Constantino, qui post Galerium imperauit, floruit. porro ex Sireni schola Monachorum examina repleuisse Illyricas regiones, præter Scriptores vitæ S. Martini, quod eum in patria Monasticam vitam duxisse, antequam pater Monasteriorum fieret in Gallia affirmet. D. Hieronymus testis locupletissimus est in Epitaphio Nepotiani, ad Heliodorum eius patrui, scribit. Eundem arsisse desiderio pergendi ad Monasteria Ægypti, Mesopotamie, Insularum Dalmatiae idem ad Iulianum cõciuem suum scribens, laudat illum quod Monasteria extrueret, & multus ab eo per Insulas Dalmatiae Sanctorum numerus sustentaretur. Et tunc iure suo Illyrici eiuscemodi pietatis disciplinam sũt professi antè alios, vt ij qui primi ex gentibus auctore Paulo Apostolo gremio Catholicæ Ecclesiæ sunt aggregati, ut patet Actuum Apostolicorum Cap. 16. vnde S. D. N. Urbanus, Papa Octauus, in Bulla foundationis Collegij Illyrici Lauretani, optimo iure nationem Illyricam, Primogenitam in gremio Catholicæ Ecclesiæ appellat.

F I N I S.

# ERRATA.

Pag.	Verf.	Errata.	Correctio.
17	vt.	arripente	lege arripiente
10	27	deftitutus	deftituitis
16	18	Christiana	Christianæ
27	23	duftaq;	ducta
33	23	Archiuo	Archiuio
47	4	lucet	lucet
48	11	Principi	Principis
ibid.	20	nuntius	nuncius
49	12	priuata vitam	priuatam vitam
50	15	libere	hibere
ibid.	18	hæ	hæc
55	25	Euangelista	Euangelista
64	9	Gabininus	Gabinus